



Aningaasaqarnermut Ataatsimiititaq

Imaqarniliaq

Sisamangorneq 19. Januari 2017 nal. 13.00

Ilaasortat

Asii Chemnitz Narup (IA) *Oqarasuaatikkut peqataasut*

Malene Lynge (IA)

Ado Holm (IA)

Justus Hansen (D) *Oqarasuaatikkut peqataasut*

Ane Egede Mathæussen (S)

Nikolaj Heinrich (S)

Peter Davidsen (S)



Oqaluuserisassat

1. Oqaluuserisassat akuerineqarnerat.....	3
2. Nalunaarutit	4
3. Ilisimatitsissutit	6
03A Sulisut naammagisimaarinninnerannik misissuinermi killiffik	6
03B Pisortanut inigititassanut tulleriissaarisartussanik pilersitsineq	9
03C Ilagiit sinniisaannut qinersineq pillugu Namminersorlutik Oqartussat nalunaarutaat pillugu tusarniaassut	11
03D Angallanermi pilersaarussiaq pillugu kommunip ileqqoreqqusai inatsisunik imaluunniit nalunaarutunik tunngaveqartut pilersinneqarneri nalunaarutigineqartarnerilu pillugit tusarniaassut. Fejl! Bogmærke er ikke defineret.	
4. Aalajangiiffigisassat	15
04A Nuup avataani atorfinitsitsinerit sulisorinniinnarnerillu	15
04B Pisiniartarnermut tunngasut killiffiat pillugu nalunaarut.....	18
5. Suliassat Kommunalbestyrelsimi aalajangiiffigisassat	22
05A Imigassartaqanngitsumik aaqqissuussinerit	22
05B Pitsaaliuinermi periusissiaq.....	25
05C Kommuneqarfik Sermersuumi katersortarfiit killiffissiornerisa takussutissartaat.....	28
05D Kommunalbestyrelsimut ilaasortat siunnersuutaat pillugit killiffik.....	31
05E Timersornermut politikki.....	35
05F Tasiilami timersorneq pillugu siunnersuisooqatigiinnik pilersitsisoqarnissaanik siunnersuut...	38
05G Paamiuni Timersornermut Siunnersuisooqatigiinnik pilersitsinissaq pillugu siunnersuut.....	41
05H Sport Event Nuuk	44
05I Taxarnissamut akuersissutunik illup iluani piginnaatitsineq	49
05J Kommuneqarfik Sermersuumi qarasaasiaqarnikkut isumannaallisaaneq	51
05K Suliniut Nunani Avannarlerni Pinngortitami isumalluutunik aqutsineq aalisarnek piniarnerlu pillugit ilisimasat.....	53
05L Nunatsinni upalungaarsimanermut atugassatut radiukkut attaveqaqatigiinneq.....	56
05M Kommunimut pilersaarummut tapiliussamut siunnersuut 4B4-1 og 4E1-1	59
05N Kommunimut pilersaarummut tapiliussamut siunnersuut, Nunaannaq O8	61
05O VISKA, horses & rooms.....	63
6. Immikkoortut matoqqasut.....	67
06A Namminersorlutik Oqartussat 2018-imut Aningaasanut Inatsisissatut siunnersuutissaannut sanaartugassanut kissaatunik piniarnek.....	67
06B Sumiiffinnik Aqquserngillu Taaguutaannik Siunnersuisooqatigiit.....	68
06C Illuutunik tunisineq, Kangerluarsunnguaq	69
06D Kommuneqarfik Sermersuumi pisortaanermik atorfinitsitsinissaq	70
7. Taasariaqartut allat	71



8. Imaqarniliap akuerineqarnera.....	72
--------------------------------------	----

1. Oqaluuserisassat akuerineqarnerat

Oqaluuserisassat akuersissutigineqarput.

Oqaaseqaatigalugu immikkoortoq *03B Pisortanut inigititassanut tulleriissarisartussanik pilersitsineq* Aningaasaqarnermut Ataatsimiititaq februaarip 23-ianni 2017 ataatsimiinnissaanut kinguartinneqassasoq

Borgmesteri Tasiilamiit oqarasuaatikkut ataatsimeeqataavoq, taamaattumik Ane Egede Mathæussen ataatsimiinnermi aqutsisuussaaq.



2. Nalunaarutit

Aningaasaqarnermut Ataatsimiititaq sisamangorneq 19. januaari 2017 ataatsimiinnerani borgmesterip nalunaarutai:

1. 16. decembarimi borgmesterip Asii Chemnitz Narupip aamma Meeqqanut, Ilaqutariinnut Atuarfeqarnermullu pisortap Timi Asimip initai pulaarpaat, tassanilu suliniutinik pilersitsisut takorluukkaminik anguniakkaminillu saqqummiussipput.

2. 19. decembarimi borgmesterip pisortaanerugallartullu Lars Møller-Sørensenip Kalaallit Nunaanni Politimesteri Sermersuumilu Politeeqarfimmi aqutsisoq siunnerfilimmik ataatsimeeqatigaat.

Ataatsimiinnermi isumaqatigiissutigineqarpoq, borgmesterip Sermersuumilu Politeeqarfimmi aqutsisup kvartalikkaartumik ataatsimeeqatigiittarnerit nangeqqissagaat, Politeeqarfimmilu aqutsisup ingerlatsivinni pisortat ilaat suleqatigiissutigineqarsinnaasut aalajangersimasut pillugit ataatsimeeqatigiittassasut.

3. Ulloq 15. januaari 2017-imi borgmesteri nunaqarfinnilu aqutsisunut siulittaasut kvartalikkaartumik oqarasuaatikkut ataatsimeeqatigiittarneri naggaserneqassapput.

4. 3. januaari 2017-imi borgmesteri Asii Chemnitz Narup videokonferencekkut Najukkani ataatsimiititalianut ilaasortat tamaasa ataatsimeeqatigai. Ataatsimiinnermi qinigaaffik 2015-2016 nalilersuiffigineqarpoq, qinigaaffimmilu matumani Najukkani ataatsimiititaliat sunik misilittagaqalersimasut avitseqatigiissutigineqarput.

5. Illoqarfinni pingasuni Najukkani Ataatsimiititaliamut qinersisoqarpoq januarip 17-niani peqataaffigineqarlualutillu.

6. 9. januaari 2017-imi borgmesteri suliffeqarfimmut Kittanut pulaarpoq. Suliffeqarfik takuniartinneqarpoq suliffimmilu aqutsisoq oqaloqatigiinnertalimmik ataatsimeeqatigineqarluni.

7. 10. januaari 2017-imi borgmesterimi suliffeqarfimmut USK-imut pulaarpoq. Borgmesterip atuarfiup pisortaa tullialu atuarfimmi oqaloqatigiinnertalimmik ataatsimeeqatigai.

8. Borgmesterip 11. aamma 12. januaari 2017-imi Paamiuliarnissaralua silap ajornera pissutigalugu taamaatiinnarneqarpoq. Paamiuni Utoqqaat Illussaannut qaartitsinissaq siulleq februaarimut kinguartinneqarpoq.

Borgmesteri Asii Chemnitz Narup (IA) Paamiunilu borgmesteriusimasoq, Lars Sørensen 12. januaarimi nalliuttorsiornermi peqataanissaraluat taamaatiinnarnerpoq. Taarsiullugu borgmesteri Paamiunut videokkut pilluaqqussuteqarpoq, Paamiormiullu Nuummi najugallit Nuummi Kommunalbestyrelsip Ataatsimiittarfianut aliikkusersuinertalimmik kaffillerfigalugit. Taamaasilluni Paamiut 275-inngortorsiornerat aamma Nuummi nalliussineqarpoq. Innuttaasut 70-it missaat kaffisoriartorput.

9. 16. januaari 2017-imi borgmesteri aammalu Isumaginninnermut, Suliffeqarnermut Inuussutissarsiornermullu Ingerlatsivimmi pisortaq Grethe H. Nielsen aamma tarnip pissusiinik ilisimasalik, tarnip pissusiinut nakorsaqaq isumaginninnermilu siunnersorti Tasiilaliarput, sapaatip akunnerata siuliani alianartunik pisoqarnera tunngavigalugu immikkut ikiuiartorlutik.



10. Isumaqaatigiissut nutaaq tunngavigalugu isumaginninnermut siunnersortit akissarsiaannut tunngassuteqartut allannguuteqassapput, tamatuma kingunerisaanik ilaatigut akissarsiaat amerleriaateqassapput. Kommuneqarfik Sermersooq 927.142 koruuninik aningaasartuuteqarneruneranik Aningaasaqarnermut Allatseqarfimmit nalilerneqarpoq.

11. Borgmesterip Royal Arctic Linep pisortaa Verner Hammeken Aningaasaqarnermut Ataatsimiititamut saqqummiussiartoqqullugu qaaqqusimavaa. Suliaminut atatillugu angalagami, ullumikkut ataatsimiinnermi peqataasinnaangilaq, kisianni kingusinnerusukkut Aningaasaqarnermut Ataatsimiititamut saqqummiussiartornissaanut qaaqquneqarpoq.

12. Rubinisiornissaq maanna piginnittunit nutaanit ingerlanneqalissaaq. Aningaasaqarnermut Ataatsimiititap bubinisiorfissaq marsip aallartisimalernerani takuniarsinnaaneraa misissorneqassaaq.



3. Ilisimatitsissutit

03A Sulisut naammagisimaarinninnerannik misissuinermi killiffik

Ilisimatitsissut

J.nr.: 16-2-07-1821

Aningaasaqarnermut Sulisoqarnermullu Kiffartuussivik – pisortaq Lars Møller-Sørensen/ LMS

Suliassamik eqikkaaneq

Kommunip allaffissornikkut periusissiaata "Sermersuaq Ikaarlugu – Siunissaq Ataatsimoorullugu" tassunga ilanngullugu periusissiap ilaata pingajuat "Nuannaarluta iliuuseqassaagut" toqqaannartumik kingunerisaanik 2016imi maajimi sulisut naammagisimaarinninnerannik misissuineq (MTU) ingerlanneqarpoq, Kommuneqarfik Sermersuumilu sulisut sulinerminni immikkoortut arlalissuit iluini naammagisimaarinninnerannut qulaajaanissamik siunertaqartumik apeqqutinik akisassanik nassiussisoqarluni.

Immikkoortoq Aningaasaqarnermut Ataatsimiititap ataatsimiinnerani 15. decembari 2016-imi oqaluuserineqarpoq, tassanilu aalajangiunneqarpoq immikkoortoq Aningaasaqarnermut Ataatsimiititap januaarip qaammataani 2017-imi ataatsimiinnissaanut kinguartinneqassasoq.

Inassuteqaat

Aningaasaqarnermut Sulisoqarnermullu Kiffartuussiviup Aningaasaqarnermut Ataatsimiititamut inassuteqaatigaa:

- Ilisimatitsissut Aningaasaqarnermut Ataatsimiititamit tusaatissatut tiguneqassasoq

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq: Aningaasaqarnermut Ataatsimiititap ilisimatitsissut tusaatissatut tiguaa.

Suliassamik saqqummiussineq

Kommunip allaffissornikkut periusissiaata "Sermersuaq Ikaarlugu – Siunissaq Ataatsimoorullugu" tassunga ilanngullugu periusissiap ilaata pingajuat "Nuannaarluta iliuuseqassaagut" toqqaannartumik kingunerisaanik 2016imi maajimi sulisut naammagisimaarinninnerannik misissuineq (MTU) ingerlanneqarpoq, Kommuneqarfik Sermersuumilu sulisut sulinerminni immikkoortut arlalissuit iluini naammagisimaarinninnerannut qulaajaanissamik siunertaqartumik apeqqutinik akisassanik nassiussisoqarluni. Kalaallisut qallunaatullu apeqqusiorqarpoq.

Periusissiami Aningaasaqarnermut Ataatsimiititamut siusinnerusukkat nassiunneqartumi soorlu eqqaaneqartoq, periusissiap ilaata pingajuat qitiutillugu Kommuneqarfik Sermersooq suliffeqarfittut orniginarsarneqassasoq.

Periusissiap ilaa aamma suliniut apeqqutinik akinissamut piffissarititap tungaanut Grethe Nielsenip pisortaaffigisaani Isumaginninnermut, Suliffeqarnermut Inuussutissarsiornermullu Ingerlatsivimmiippoq, tamatumalu kingorna ingerlariaqqinnissaanut Sulisoqarnermut Allaffimmit tiguneqarluni.



Ennova suliamik tunniussisutut suleqatigalugu MTU ingerlanneqarpoq. Ennovakkut apeqqusiani apeqqutit siammasissut saniatigut kommune aamma nammineerluni arlalinnik apeqqusiorpoq. Tassunga ilanngullugu ingerlatsivinnersunik aqutsisunik sulisunillu inuttalikkamik suleqatigiisitaliortoqarpoq. Apeqquteqaatit inernerillu qanoq paasineqarnissaannik siunnersorteqarneq ilanngullugu, ilanngussaq 1mi takuneqarsinnaapput.

Misissuineq naammassimmat akissuteqartut ataatsimut katinneri 48 %imiippoq (ingerlatsivikkuutaartumik agguataarneri ilanngussaq 2mi takuneqarsinnaavoq). Aamma pingaarnertut inernerit Ennovamit nassiunneqartut juunimi tiguneqarput, soorlu ilanngussaq 3mi takuneqarsinnaasoq.

Ingerlariaqqinnissamat periusissaq HSUmi juunip pingajuanni immikkut ittumik ataatsimiinnermi akuersissutigineqarpoq aamma periusissaq iluarsisaaq (aqutsisut sulisunik oqaloqatiginninnissamat iliuusissanillu pilersaarusiornissamat piffissaqarluartinneqarput) HSUmi septembarip 9anni ataatsimiinnermi akuersissutigineqarluni. Periusissamik iliuusissamillu pilersaarut nutartigaq kingulleq, ilanngussaq 4mi takuneqarsinnaavoq.

Aaqqiissutissatut siunnersuut – suliatigut naliliineq

MTUp iluatsilluarnera ingerlatitseqqiniikkut iliuuseqarnikkullu nalilersorneqarsinnaassaaq – najukkami qitiusoqarfimmilu. Taamaattorli inernerit suli nalilersorneqarsinnaanngillat.

Aningaasaqarnikkut sulisoqarnikkullu naliliinerit

Pisortaqaatigiit isumaat tassaavoq, suliffeqarfik pitsaasoq sulisunik pitsaasunik pilergineqalersarlunilu sulisorinniinnarsinnaasoq, taamaalillunilu innuttaasunut pitsaanerusemik sullissinissamat peqataatitsissasoq. Angusat pitsaasut tunniunnerisigut pitsaasumillu suliffeqarneq, aamma kommunimi sulinermi nuannaarnermik tulluusimaarnermillu pilersitsisarpoq.

Inatsisitigut tunngavissaq allakkallu tunngaviusumik uppernarsaatitaliit Soqanngilaq

Ingerlariaqqinnissaq

Pisortaqaatigiit kissaatigaat, MTU siunissami uteqqiattumik ingerlanneqartassasoq - aamma ineriartornerup pitsanngoriartornerullu aaqqissuussaasumik nalilersorneqarnissaat takussutissaqartinneqarnissaallu pillugit.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaatissaqanngilaq

Innuttaasunik peqataatitsineq/attaveqaqatigiinneq

Ilanngutassianik illup iluani siammartigassanik/attaveqaqatigiisutissanik allaaserinnittoqarnissaa pilersaarutaavoq.

Siusinnerusukkat aalajangernerit:

Aningaasaqarnermut Ataatsimiititap aalajangiinera sisamanngorneq decembarip 15-iat 2016:
Immikkoortup oqaluuserineqarnissaa Aningaasaqarnermut Ataatsimiititap januaarip qaammataa 2017-imut kinguartinneqarpoq.



Ilanngussat

1. Apeqquteqaatit inernerillu qanoq paasineqarnissaannik siunnersorteqarneq ilanngullugu, (qallunaatuinnaavoq).
2. Ingerlatsivinniit akisimasut procintinngorlugu katinnera
3. Misissuinermi pingaarnertut angusat, (qallunaatuinnaavoq)
4. Periusissamik iliuusissamillu pilersaarut nutartigaq kingulleq
5. Kommuneqarfik Sermersuumut nalunaarussiaq



03B Pisortanut inigitassanut tulleriissarisartussanik pilersitsineq

Ilisimatitsissut

J.nr: 16-2-07- 2264

Aningaasaqarnermut Sulisoqarnermullu Kiffartuussivik – pisortaq Lars Møller-Sørensen/LMS

Suliassamik eqikkaaneq

Manna tikillugu sulisunut inissiat arfinillit pisortaqatigiinnut atugassatut sillimmatigineqarnikuupput. Taakkua kommunip sulisunut inissiaatai allat assigalugit Iserit A/S´imit aqunneqarput.

Pisortaqatigiit 2016imi upernaakkut eqqartorlugu aalajangerpaat, sillimmatigineqartut taakku amerlisinneqartariaqartut pisortanullu inigitassanik arlalinnik ilaneqartariaqartut. Pisortatut atorfillit siornatigut inissaannik tunniussinissami erseqqilluinnartumik periuseqartoqarnikuunngilaq, taamaattumik pilertortumik eqaatsumillu pisortat nutaat, annertuunik piunasaqaatitaqarlutillu naatsorsuutigisamik piginnaaneqartut atorfinittut isertinnissaat aallartisarnissaallu qulakkeerniarlugit, pisariaqarpat kommune taamaaqataanik taakkununga inissanik neqerooruteqarsinnaasariaqarpoq.

Inassuteqaat

Aningaasaqarnermut Sulisoqarnermullu Kiffartuussiviup Aningaasaqarnermut Ataatsimiititamut inassuteqaatigaa:

- Ilisimatitsissut Aningaasaqarnermut Ataatsimiititamit tusaatissatut tiguneqassasoq

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq:
Aningaasaqarnermut Ataatsimiititap aalajangerpaa, immikkoortoq Aningaasaqarnermut Ataatsimiititap februaarip 23-anni 2017 ataatsimiinnissaanut kinguartinneqassasoq.

Suliassamik saqqummiussineq

Manna tikillugu sulisunut inissiat arfinillit pisortaqatigiinnut atugassatut sillimmatigineqarnikuupput. Taakkua kommunip sulisunut inissiaatai allat assigalugit Iserit A/S´imit aqunneqarput, taakkunaniippullu illut ataani taaneqartut, taakkunanga C P Holbøllsvej 9mi pisortaanermmut naatsorsuussaq:

Adresse	Indfl.	Rum	Areal
Avannarliit 7	01-08-2011	4	130,00
C.P. Holbøllsvej 9	15-12-2012		187,00
Saqqarliit 4	01-11-2012	5	135,00
Seermaq 3-002	01-01-2009	4	125,00
Qimerlua 60	01-03-2009	4	132,70
Niels Hammekensvej 33	01-07-2011	4	109,00

Pisortaqatigiit 2016imi upernaakkut eqqartorlugu aalajangerpaat, sillimmatigineqartut taakku amerlisinneqartariaqartut pisortanullu inigitassanik arlalinnik ilaneqartariaqartut. Pisortatut atorfillit siornatigut inissaannik tunniussinissami erseqqilluinnartumik periuseqartoqarnikuunngilaq, taamaattumik pilertortumik eqaatsumillu pisortat nutaat, annertuunik piunasaqaatitaqarlutillu naatsorsuutigisamik piginnaaneqartut atorfinittut isertinnissaat aallartisarnissaallu qulakkeerniarlugit, pisariaqarpat kommune taamaaqataanik taakkununga inissanik neqerooruteqarsinnaasariaqarpoq.



Taamaasilluni kommunip Iserit A/S suleqatigalugu attartugassat katillugit 14it allattorsimaffiannik suliaqarpoq, taakkununnga ilanngullugit pisortanut inigitinneqartussat arfinillit. Allattorsimaffimmiittut siunissami amerlineqarnissaanik ikilisaaffiginissaannilluunniit pisariaqartitsisoqarpat, tamanna piumaarpoq.

Inatsisitigut tunngavissaq allakkallu tunngaviusumik uppersaatitallit
Inissiat attartortittakkat pillugit Inatsisartut peqqussutaat nr. 2, 12. maj 2005-imeersoq

Ingerlariaqqinnissaq

Maannakkut pisortatut atorfillit, atorfimmu atattillugu inissamik taakkununnga naleqqutinngitsutut isigineqartunik tunineqarsimasut, pisortanut inigititassatut sillimmatigineqartunut allamut nuunnissaannik neqeroorfigineqassapput.

Utaqqiisaasumik ingititassatut sillimmatigineqartuniittut "attartugassatut inigigallagassanut immikkut ittunut" atorneqassapput. Taakkununnga aamma ilaapput pisortanut utaqqiisaasumik inigititassat marluk.

Aningaasaqarnermut Allatseqarfimmit oqaaseqaatit

Oqaaseqaateqartoqanngilaq.

Innuttaasunik peqataatsineq/attaveqaqatigiinneq

Oqaaseqaateqartoqanngilaq.

Oqaaseqaatigineqartut allat

Allamik oqaaseqaatitaqanngilaq.

Ilanngussat

Soqanngilaq.



03C Ilagiit sinniisaannut qinersineq pillugu Namminersorlutik Oqartussat nalunaarutaat pillugu tusarniaassut

Ilisimatitsissut

J.nr.: 11.05

Tamanut Kiffartuussivik – pisortaq Marie Fleischer / MFLE

Suliassamik eqikkaaneq

Ilagiit sinniisaannut qinersineq pillugu Namminersorlutik Oqartussat nalunaarutaat Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalackersuisoqarfimmit tusarniaassut Kommuneqarfik Sermersuumi tiguneqarpoq.

Borgmesterip Allatseqarfia allaffissornikkut akissuteqaasiorpoq, tassanilu kingorna politikikkut oqaluuserineqarsinnaanera eqqumaffigeqquneqarluni.

Naalackersuisoqarfiup siunnersuutigisaatut Kommuneqarfik Sermersuup qinersiviini pingasuusuni aammalu ilagiit sinniisuisa amerlassusiisa ikilisinnissaat akuersaarparput.

Inassuteqaat

Borgmesterip Allatseqarfianit Aningaasaqarnermut Ataatsimiititamut inassuteqaatiga:

- ilisimatitsissut tusaatissatut tiguneqassasoq

Aalajangiineq

Aningaasaqarnermut Ataatsimiititaq januaarip 19-anni 2017-imi ataatsimiinnerani aalajangerneq:
Aningaasaqarnermut Ataatsimiititaq ilisimatitsissut tusaatissatut tiguaa.

Suliassamik saqqummiussineq

Ilagiit sinniisaannut qinersineq pillugu Namminersorlutik Oqartussat nalunaarutaat Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalackersuisoqarfimmit tusarniaassut Kommuneqarfik Sermersuumi tiguneqarpoq.

Qinersivinni ilagiit sinniisuisa amerlassusaat nalunaarummi aalajangersarneqassapput.

Aaqqiissutissatut siunnersuut – suliatigut naliliineq

Borgmesterip Allatseqarfia allaffissornikkut akissuteqaasiorpoq, tassanilu kingorna politikikkut oqaluuserineqarsinnaanera eqqumaffigeqquneqarluni.

Naalackersuisoqarfiup siunnersuutigisaatut Kommuneqarfik Sermersuup qinersiviini pingasuusuni aammalu ilagiit sinniisuisa amerlassusiisa ikilisinnissaat akuersaarparput.

Tamatuma saniatigut illoqarfiit nunaqarfiillu pillugit Nunat Aqqinik Aalajangiisartut maleruaqqusaat malinneqassasoq, Borgmesterip Allatseqarfianit innersuussutigineqarpoq taamaalillutik qinersivinni ima allanneqalissallutik:

Isortoq allannortissaaq ima Isertoq
Kuummiut allannortissaaq ima Kuummiit
Tiniteqilaaq allannortissaaq ima Tiilerilaaq

Aningaasaqarnikkut sulisoqarnikkullu naliliinerit
Soqanngilaq.



Inatsisitigut tunngavissaq allakkallu tunngaviusumik uppernarsaatitallit

Siunnersuut uunga: Ilagiit sinniisaannut qinersineq pillugu Namminersorlutik Oqartussat nalunaarutaat nr. xx, xx. xxx 201ximeersoq

Ingerlariaqqinnissaq

Allaffissornikkut akissuteqaat Kommuneqarfik Sermersuup Naalakkersuisut Siulittaasuata Naalakkersuisoqarfianut nassiunneqarpoq.

Aningaasaqarnermut Ataatsimiititamit tusarniaassummut oqaaseqaateqartoqassappat, politikikkut tusarniaassummut akissuteqaatit suliarineqassaaq oqaaseqaatillu matumaniittut ilanngullugit Naalakkersuisut Siulittaasuata Naalakkersuisoqarfianut nassiunneqarumaarlutik.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaatigiinneq

Kommuneqarfik Sermersuup tusarniaassummut akissuteqaasiaa uani atuarneqarsinnaavoq sermersooq.gl.

Ingerlatsivimmit oqaaseqaatit

Soqanngilaq.

Ilanngussat

1. Siunnersuut uunga: Ilagiit sinniisaannut qinersineq pillugu Namminersorlutik Oqartussat nalunaarutaat nr. xx, xx. xxx 201ximeersoq
2. Kommuneqarfik Sermersuup tusarniaassummut akissuteqaasiaa



03D Kommunip ileqqoreqqusai inatsisinik imaluunniit nalunaarutininik tunngaveqartut pilersinneqarneri nalunaarutigineqartarnerilu nalinginnaasut pillugit suleriaasissatut pilersaarut pillugu tusarniaassut

Ilisimatitsissut

J.nr.: 00.49

Tamanut Kiffartuussivik – pisortaq Marie Fleischer / MFLE

Suliassamik eqikkaaneq

Kommuneqarfik Sermersooq Naalakkersuisut Siulittaasuata Naalakkersuisoqarfianit Angallannermi kommunip ileqqoreqqusai inatsisinik imaluunniit nalunaarutininik tunngaveqartut pilersinneqarneri nalunaarutigineqartarnerilu pillugit tusarniaassummik tigusaqarpoq.

Borgmesterip Allatseqarfia allaffissornikkut akissuteqaasiorpoq, tassanilu kingorna politikikkut oqaluuserineqarsinnaanera eqqumaffigeqquneqarluni.

Ileqqoreqqusat assigiinngitsut qanoq pilersinneqartarneri pillugit ilitsersuusiortarnermi malittarisassat pillugit aammalu tamanut nalunaarutigineqartarneri pillugit naalakkersuisoqarfiup suliniutaa tusarniaanermut akissuteqaammi akuersaarparput.

Angallassinermi pilersaarummut tunngatillugu susassaqtuni ataatsimiititap politikikkut sulissutigisaa ilitsersuummi nutaatut immikkoortut pingajuanni inissinneqarnissaa siunnersuutigaarput.

Inassuteqaat

Borgmesterip Allatseqarfiata Aningaasaqarnermut Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq:
Aningaasaqarnermut Ataatsimiititap ilisimatitsissut tusaatissatut tiguaa.

Suliassamik saqqummiussineq

Kommuneqarfik Sermersooq Naalakkersuisut Siulittaasuata Naalakkersuisoqarfianit Angallannermi kommunip ileqqoreqqusai inatsisinik imaluunniit nalunaarutininik tunngaveqartut pilersinneqarneri nalunaarutigineqartarnerilu pillugit tusarniaassummik tigusaqarpoq.

Ilitsersuummi uani ersarissarniarneqarpoq kommunini ileqqoreqqusat atortussanngortitsinerni nalunaarutigineqartarnerannullu tunngasuni suut piumasqaataanersut.

Angallassinermi pilersaarut kommunimi ileqqoreqqusap missiliutitut suliarineqarneraniit ileqqoreqqusap akuersissutigineqartup borgmesterimit atsiorneqarnissaata aammalu naalakkersuisoqarfimmut akisussaasumut nassiunneqarnissaata tungaanut immikkoortunik qulingiluanik imaqarpoq. Angallassinermi pilersaarummi kommunit ataasiakkaat suliassaqarfinnullu naalakkersuisoqarfiit susassaqtut akornanni ukiorpassuarni suleqatiginnerup ineriartortinneqarsimanera pillgu periaaseq nassuiaatigineqarpoq.

Aaqqiissutissatut siunnersuut – suliatigut naliliineq

Borgmesterip Allatseqarfia allaffissornikkut akissuteqaasiorpoq, tassanilu kingorna politikikkut oqaluuserineqarsinnaanera eqqumaffigeqquneqarluni.



Kommunimi ileqqoreqqusat assigiinngitsut qanoq pilersinneqartarneri pillugit ilitsersuusiortarnermi malittarisassat pillugit aammalu tamanut nalunaarutigineqartarneri pillugit naalackersuisoqarfiup suliniutaa tusarniaanermut akissuteqaammi akuersaarparput.

Angallassinermi pilersaarummili maluginiarneqarpoq, naalackersuisoqarfiup angallassinermit pilersaarutaani politikikkut suliarineqarnera aatsaat imm. 7-mi ingerlanneqassasoq, tamannalu kommunini piviusunut naapertuutinngilaq. Taamaattumik susassaqtuni ataatsimiititap politikikkut sulissutigisaa ilitsersuummi nutaatut immikkoortut pingajuanni inissinneqarnissaa siunnersuutigineqarpoq.

Aningaasaqarnikkut sulisoqarnikkullu naliliinerit
Soqanngilaq.

Inatsitigut tunngavissaq allakkallu tunngaviusumik uppersaatitalit
Kommunip ileqqoreqqusai inatsisinik imaluunniit nalunaarutinik tunngaveqartut pilersinneqarneri nalunaarutigineqartarnerilu nalinginnaasut pillugit angallannermi pilersaarut
Kommunit ileqqoreqqusaannik atortussanngortitsinerit nalunaarutigineqartarnerallu pillugit ilitsersuut

Ingerlariaqqinnissaq
Allaffissornikkut akissuteqaat Kommuneqarfik Sermersuup Naalackersuisut Siulittaasuata Naalackersuisoqarfianut nassiunneqarpoq.

Aningaasaqarnermut Ataatsimiititamit tusarniaassummut oqaaseqaateqartoqassappat, politikikkut tusarniaassummut akissuteqaatitut suliarineqassaaq oqaaseqaatillu matamaniittut ilanngullugit Naalackersuisut Siulittaasuata Naalackersuisoqarfianut nassiunneqarumarlutik.

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqatigiinneq
Kommuneqarfik Sermersuup tusarniaassummut akissuteqaasiaa uani atuarneqarsinnaavoq sermersooq.gl.

Ingerlatsivimmit oqaaseqaatit
Soqanngilaq.

Ilanngussat

1. Kommunip ileqqoreqqusai inatsisinik imaluunniit nalunaarutinik tunngaveqartut pilersinneqarneri nalunaarutigineqartarnerilu nalinginnaasut pillugit angallannermi pilersaarut
2. Kommunit ileqqoreqqusaannik atortussanngortitsinerit nalunaarutigineqartarnerallu pillugit ilitsersuut
3. Kommuneqarfik Sermersuup tusarniaassummut akissuteqaasiaa



4. Aalajangiiffigisassat

04A Nuup avataani atorfinitsitsinerit sulisorinniinnarnerillu

Aalajangiiffigisassaq

J.nr.: 16-2-07-2269

Aningaasaqarnermut Sulisoqarnermullu Kiffartuussivik – pisortaq Lars Møller-Sørensen/LMS

Suliassamik eqikkaaneq

Meeqqanut, Ilaqutariinnut Atuarfeqarnermullu Ingerlatsivimmi pisortaq aammalu Isumaginninnermut, Suliffeqarnermut Inuussutissarsiornermullu Ingerlatsivimmi pisortaq ataatsimoorlutik Nuup avataani illoqarfinnut isumaginninnermut tunngasunik suliaqartunik atorfinitsitsisarnermut sulisunillu sulisorinniinnarnissamut tunngatillugu periarfissagissaarnerunissamut siunnersuuteqarput. Misilittakkat takutippaat, tamanna suli imaannaanngitsuusoq, taamaattumillu suliassaqarfimmi suliniutini pitsaassutsimut atuutilersitsinissamullu malunnartumik pingaaruteqarpoq.

Inassuteqaat

Aningaasaqarnermut Sulisoqarnermullu Kiffartuussiviup Aningaasaqarnermut Ataatsimiititamut inassuteqaatigaa:

- Meeqqanut, Ilaqutariinnut Atuarfeqarnermullu Ingerlatsivimmit aammalu Isumaginninnermut, Suliffeqarnermut Inuussutissarsiornermullu Ingerlatsivimmit Nuup avataani isumaginninnermut tunngasunik sulisussarsiornerit sulisunillu sulisoqaannarnerunissamut periarfissanik annertusaanissamik siunnersuut Aningaasaqarnermut Ataatsimiititamit akuersissutigineqassasoq

Aalajangiineq

Aningaasaqarnermut Ataatsimiititaq januaarip 19-anni 2017-imi ataatsimiinnerani aalajangerneq: Aningaasaqarnermut Ataatsimiititaq inassuteqaat akuersissutigaa oqaaseqaatigalugu, pinartoqartillugu ikiuigasuartartunik pilersitsisoqassasoq, aammalu soorlu Tasiilami taamatut misigisanut assingusunik immikkorluinnaq pinartoqartillugu akulikinnerusumik oqaloqatigiinnikkut imaaqartittoqartassasoq.

Siumut ikinnerussuteqarlutik oqaaseqaat: Tarnip pissusiinik ilisimasalinnik maani najugalinnik kalaallisut oqaasilinnik atorfinitsitsisoqartassasoq.

Suliassamik saqqummiussineq

Meeqqanut, Ilaqutariinnut Atuarfeqarnermullu Ingerlatsivimmi pisortaq aammalu Isumaginninnermut, Suliffeqarnermut Inuussutissarsiornermullu Ingerlatsivimmi pisortaq ataatsimoorlutik Nuup avataani illoqarfinnut isumaginninnermut tunngasunik suliaqartunik atorfinitsitsisarnermut sulisunillu sulisorinniinnarnissamut tunngatillugu periarfissagissaarnerunissamut siunnersuuteqarput. Misilittakkat takutippaat, tamanna suli imaannaanngitsuusoq, taamaattumillu suliassaqarfimmi suliniutini pitsaassutsimut atuutilersitsinissamullu malunnartumik pingaaruteqarpoq.

Aaqqiissutissatut siunnersuut – suliatigut naliliineq

Suliniutini kiffartuussinernilu ataavartuuneq pitsaassuserlu qulakkeerniarlugit, sulisut



piukkunnaatillit atorfinitsissinnaanissaat attatiinnarsinnaanissaallu pingaaruteqarnerpaavoq. Isumaqatigiissutit periarfissiingaanngillat, taamaattumik aporfiusup iluarsissutissaanik allatigut ujaruinissaq pisariaqarpoq. Ataani takuneqarsinnaapput isorliunerusuni atorfirmut atorfinikkumagaanni ajunngitsorsiassat pillugit siunnersuutit.

Siunnersuutigineqarpoq:

- Aaqqissuussaq Paamiuni, Tasiilami Ittoqqortoormiinu atuutsinneqassasoq
- Aaqqissuussap atulersinneqarnerani sulisut sulisooreersut atorfinerlaallu pillugit atuutissasoq
- Aallarniutit aaqqissuussap piffissami killilikkami – ukiuni marlunni - atuunnissaa, taannalu 2017 naalernerani nalilersorneqarumaartoq
- Aaqqissuussap ataani pineqartunut sulisoqatigiinnut ilinniagalinnut atuutsinneqarnissaa

Isumaginninnermi Siunnersortit (BFA-nut Isumaginnittunullu)

- Qaammammut ataasiakkaarlutik supervision + ataatsimoortillugillu supervision qaammat allortarlugu,
- Ukiumut ataasiarlutik akeqanngitsumik angalasarnissaat
- Sap. ak. ataasiarlutik sulinerup nalaani akunnermi ataatsimi timersoqatigiittarnissaat imalt CSR-mi sapaatip akunneranut akunnermi ataatsimi peqataasarlutik.
- Ukiumut ataasiarlutik isumassarsioqatigiiffiusumik Nuummumut angalaqatigiittarnissaat, suliatigut aammalu sulianut tunngasunik avitseqatigiittarnissaat suleqatitik Nuummi najugallit peqatigalugit imlt DK-mi kommunit arlaannik paarlaasseqatigiittarlutik, tamanna ajornassanngippat
- Killissaleriikkamik atorfinitsitsinissamik neqerooruteqartoqassasoq (ilaatigut ukiumut ataasiarluni ajunngitsorsiat ilanngunneqarsinnaallutik)

Sulisooqatigiit allat (BFC, JVO utoqqarnik innarluutilinnillu sullissisut)

- Ilaqutariinnut siunnersortinut, pillorissaasoqatigiinnut/psykologinut immikkoortortanilu isumaqatigiissutinut assingusumik
- Ilinniarsimallutik siunnersuisartunut inunnik isumaginnittunullu JVO-mi, isumaqatigiissutinut assingusumik
- Isumaqatigiissutit, sygeplejerskinut aamma inunnik - peqqissaasunullu ikiortinut, utoqqarnik innarluutilinnillu sullissisunut ilanngullugit isumaginninnermi/psykiatrimmi innarluutilinnillu sullissisunut

Siunnersuut piviusunngortinneqassappat, maannakkorpiaq **sulisorineqartut aningaasarsiaqartitsinerillu** 2016-milu novembarimi **angalanermut aningaasartuutaasimasut** aallaavigalugit Sulisoqarnermut Immikkoortortaq siunnersuuteqaqquneqarpoq, tamannalu ilanngussaq 1-mi allaaserineqarpoq. Ukiup naalernerani aningaasartuutaasimasut DKK 2.677.000/2.852.000-nut missiliorneqarput. Taakkua arlaat amerlanerilluunniit amerlineqarpata, soorunami amerlaqataanik aningaasartuutit amerlissapput.



Siunnersuut Pingaarnertut Suleqatigiinnissamut Ataatsimiititap immikkut ittumik ataatsimiinnerani 16. decembari 2016 eqqartorneqarpoq akuersissutigineqarlunilu - tassunga ilanngullugu ukiut pingasut ingerlaneranni misiligutaasumik ingerlatsisoqassasoq ukiumoortumik sunniutai angusallu nalilersorneqartassallutik - maannalu Aningaasaqarnermut Ataatsimiititamut akuersissutigisassanngorlugu ingerlateqqinneqarpoq.

Inatsisitigut tunngavissaq allakkallu tunngaviusumik uppersaatitalit

Namminersorlutik Oqartussani, Qitiusumik Allaffeqarfimmi immikkoortortaqaqarfiinilu sulisunut ataasiartumik akissarsisitsisarneq pillugu Kaajallaasitaq 19.05.2014-imeersoq.

Ingerlariaqqinnissaq

Aningaasaqarnermut Ataatsimiititap siunnersuut akuersissutigissappagu, 2017imi atuutilersinneqassaaq.

Aningaasaqarnermut Allatseqarfimmit oqaaseqaatit

Siunnersuutip naammassineqarnissaanut aningaasartuutiginerusassat - ukiuni aggersuni pingasuugallartuni - ilassutitut aningaasaliissuteqarnikkut aningaasalersorneqarnissaat siunnersuutigineqarpoq.

Innuttaasunik peqataatsineq/attaveqaqatigiinneq

Oqaaseqaateqartoqanngilaq.

Oqaaseqaatigineqartut allat

Soqanngilaq

Ilanngussat

1. Siunnersuutip naammassinissaanut qanoq akeqassangatinneranut missingiut Aalajangiiffigisassaq



04B Pisiniartarnermut tunngasut killiffiat pillugu nalunaarut

Qitiusumik Pisiortortarfiup pilersinneqarnerata kingorna

Aalajangiiffigisassaq

J.nr.: 10.00.01

Aningaasaqarnermut Sulisoqarnermullu Kiffartuussivik - pisortaq Lars Møller-Sørensen / LMS

Suliassamik eqikkaaneq

Kommunip pisiniartarnera 2015-imi ataavartumik pitsanngorsarlugu sulissutigineqarpoq. Suliarlu tamanna 2016-imi ingerlateqqinneqarlunilu annertusarneqarpoq.

Pilersaarusiortarluni Pisiniarnermut Immikkoortortaqarfik Pisiniartarnermut pilersaarusiortartumik atorfinitsitsisoqarneratigut juunip aallaqqaataani 2015-imi pilersinneqarpoq. Tamatuma kingornatigut pisiniarnermut politikki iluarsissuteqarfigineqarpoq, tamannalu tunngavigalugu Kommuneqarfik Sermersuumi pisiniarnermut periusissaliortoqarlunilu najoqqutassaliortoqarpoq. Tamatuma kingorna pisiniarnermut politikki ingerlatsivinni atuutilersinniarneqarpoq.

Kommuneqarfik Sermersuumi pisiniartarnermut neqeroortitsisarnermullu tunngasuni pisiniarnermut politikki atorlugu iluarsissuteqartoqartarpoq. Kommunimi, attaveqatigiinnermi oqaloqatigiinnermilu pisariaqartitsineq qitiutillugu kiisalu pisiniartarnermi isumaqatigiissutit atuisunut tulluarnerusunnortinniarlugit pitsanngorsaanerit eqqarsaatigalugit kissaatigineqarpoq, kommunimi suliffeqarfiit immikkoortortallu pisiniarnermut politikki naapertorlugu pisiniartarnissaat qulakkeerneqassasoq. Kommunimi isumaqatigiissutinik eqquutsitsisoqarnerusalernissaa siunertaavoq.

Taamaalilluni paasiuminarluartuutitsinissaq tunngavigalugu neqeroortitsisoqartassaaq, "akikinnerpaamullu" imaluunniit "aningasaqarnikkut iluanaarnarnerpaamik neqeroorteqartumut" tunniunneqassalluni. Taamaaliornikkut neqeroortitsinerit tamarmik assigiinnerusumik aaqqissugaanerusumillu ingerlanneqarnissaat qulakkeerneqassaaq, neqeroortitsisumut neqeroortumullu iluarinarnerpaassaalluni.

Aammattaaq pisiniarnermut politikkeqarnitsigut kommunip niueqatigisartagaasalu suleqatigiinnermi illuatungeriinnut orniginarnerusumik qaninnerulernissaq pisussaaffiliinerulernissarlu ingerlatsiviup kissaatigaa. Suleqatigiinnermi tunngavigineqassallutik pisariillisaaneq, ilisimasanik avitseqatigiinneq nutaamillu eqqarsarneq, unammilleruminaatsunillu aaqqiinaqatigiittarneq. Suliamik ilisimaarinnilluarluni ingerlatsinissaq eqqarsaatigalugu Pisiortortarnermut Allaffimmi kommune tamaat isigalugu iluanaarutaasussat kommunimullu pisariillisarneqarsinnaasut pilersinniarneqassapput. Kiisalu aningaasaqarneq imminullu akilersinnaanersoq isiginiarlugit pingaarnersiulluni pisiniartoqartassaaq, assersuutigalugu avatangiisit, suliffimmi avatangiisit eqqumaffigineqassallutik kiisalu isumaginninnermi pissuserineqartussat isiginiarlugit.

Inassuteqaatit

Aningaasaqarnermut Sulisoqarnermullu Kiffartuussiviup Aningaasaqarnermut Ataatsimiititamut inassuteqaatigaa:

- pisiniarnermut periusissaq atuuttoq aaliangersimasumik atuutilersinneqassasoq
- pisiniartarneq pillugu killiffimmik ilisimatitsissut tusaatissatut tiguneqassasoq

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq:
Aningaasaqarnermut Ataatsimiititap inassuteqaatit akuersaarpai.

Suliassamik saqqummiussineq



Ukiumut Kommuneqarfik Sermersooq nioqqutissanik pisinermit 70 millionit koruunit sinnerlugit atuisarpoq. Siornatigut pisiniartarneq meeqqeriviit ataasiakkaat aqutsisuinit immikkoortortaqaarfiillu aqutsisuinit nammineq suliarineqartarput, namminnerlu pisiffigerusutaminni pisiniartarlutik. Tamatuma kingunerisaanik kommune aalajangersimasumik pisiniartarneranut najoqqutaqarsimangilaq, kommunilu annertuunik pisiortortartut isigineqarani, taamaalilluni amerlasuunik pisiortornermi akinik pitsaanerusinnaasunik iluaqutissaasinnaasunik pissarsissanani, malitsigisaanillu pitsaanerusunik nioqqutinik aggiussinermit akiliinissamullu pitsaanerusumik piunasaqaateqarsinnaasimanani. Sukumiisumik misissuinermit paasineqarpoq amerlanertigut Nuummi pisiniarfinni pisiniartoqartartoq, assersuutigalugu meeqqerivinni sulisut taxarlutik pisiniartarsimapput taxarlutillu meeqqeriviliaqqittarlutik, pisiniarnerillu amerlanersaat immikkut akiliuteqarlutik pisiassat pisiniarfimmiit annitsittarsimallugit.

Sanaartugassanut Neqerooruteqartarnermut inatsit nioqqutissanik kiffartuussinernillu pisinermit atuutinngilaq. Namminersorlutik Oqartussani tassanilu immikkoortortaqaarfinni Pisiniartarnermut kaajallaasitaq kommuninut aamma atuutinngilaq.

Kommuneqarfik Sermersooq Pilersaarusiortarnermi Pisiniarnermit Immikkoortortaqaarfimmik 2015ip qiteqqunnerani pilersitsivoq, tassunga atatillugu kommunimi kiffartuussinernik pisiniartarnernullu immikkoortunik neqerooruteqartitsisarnermillu misissuinissaq siunertarineqarpoq.

Taamattaq Pisiortortarnermit Allaffiup Kommuneqarfik Sermersuumi Pisiniarnermit Periusissaq kiisalu Pisiniarnermit Najoqqutassiaq naammassillugit suliarai akuersissutigineqarnerilu isumagalugit. Tamatuma kingorna Periusissaq najoqqutassiallu tunngavigalugit Pisiniarnermit Politikkip atuutilersinneqarnissaa Pisiortortarnermit Allaffiup sulissutigaa. Kommuneqarfik Sermersuumi Pisiniarnermit Periusissaq 2016ip naalernerani atorunnaassaaq, immikkoortunilu neqerooruteqartitsiffiusinnaasunik misissuineq ataavaartumik ingerlasariaqarmat, Pisiortortarnermit Allaffiup periutsip aaliangersimasumik atuutilernissaa inassuteqaatigaa.

Ulluinnarni assersuutigalugu allaffissornermit atortunik atuineq qulaajarniarlugu Pisiortortarnermit Allaffik 2015imi ukiup affaa kingulleq ulluinnarni pisiniartarnerit akisussaaffigilerpai. Tamatuma saniatigut 2017ip ingerlanerani atulersussatut naatsorsuutigineqartoq, internetikkut pisiniartarfissap ineriartortinneqarnissaa sulissutigineqarpoq, tassangaanniit qitiusumik pisiniartarnermit pilersaarusiortartut, soorlu allaffissornerikkut atortussanik, pisiniartalersinnaassapput.

Aaqqissuusseqqinnerup kingunerisaanik 2015imi kommuneqarfiup allaffiani viceværtit Pisiortortarnermit Allaffimmut aaqqissuussaanikkut nuunneqarput.

Immikkoortut sorliit neqeroortitsissutigineqarsinnaaneri 2015-imi septembarimmit ukiup naanissaanut misissorneqarput. Neqerooruteqartitsinerit tulliuttut 2016imi ingerlanneqarput:

- Eqqiaaneq
- Eqqiaanermut atortunik eqqiaatinillu tunniussineq
- Allaffimmi atortunik tunniussineq
- Atuarfeqarnermi pisiniartarnerit tamarmik
- Nuummi atuartunut nerisitsineq
- Utoqqaat pillugit immikkoortortami pisiniartarnerit tamarmik
- Kantiinanut igaffinnullu nalinginnaasumik nerisassanik tunniussisarneq
- Innarluutilinnik ingerlatsineq (busseeqqanik ingerlatsineq)
- Tasiilami ilinniartunut kantiinami ingerlatsineq aamma atuartunut nerisitsineq
- Sillimmasiinissamik siunnersuisartooq



Tamatuma saniatigut immikkoortunut tulliuuttunut isumaqatiginninnartoqarlunilu najoqqutassanik isumaqatigiissusiortoqarpoq:

- Nuummi Kommuneqarfiup Allaffianut naasunik tunniussineq kiffartuussinerlu.
- Qisunnik/sanaartornermi atortunik/isumannaallisaatinik il.il. pisiniarnerit.

Immikkoortut tulliuuttut maanna neqeroortitsissutigineqarput imaluunniit niuernissamik isumaqatiginninniutigineqarput:

- Pigaartuuneq sillimmasiisarnerlu
- Pisattanik atortunillu pisiniarnerit
- Atuarfik Samuel Kleinschmidtimi eqqiaaneq
- Meeqqeriveqarfimmi meeqqanut nangit aamma ermiutit.

Tamatuma saniatigut immikkoortut tulliuuttuni pineqartut neqeroortitsissutigineqarnissaat sukumiisumik nalilersorneqarnissaannut misissuisoqassaaq:

- Angalatitseqatigiiffinit sullinneqarneq
- Akunnittarfinnik isumaqatigiissutit
- Ikummatissanik assartuussinerit
- Sillimmasiineq
- Sanasutut kiffartuussineq
- Biilinut tunngasunik ingerlatsineq, tassunga ilanngullugit pigisanik aqutsineq

Pisiortortarnermut Allaffik pitsanngorsaaviginiarlugu aamma atorfirmik Pisiniartarnermut neqeroortitsisarnermullu siunnersortimik atorfinitsitsisoqarpoq. Atorfik 1. februaari 2016 inuttalerneqarpoq. Tamatuma saniatigut, piffissaqartoqartillugu, Pisiortortarnermut Allaffiup pisiniartarnermut kiffartuussinermullu tunngasut misissorneqartillugit controllerinik atuisarpoq.

Aammattaaq Pisiniartarnermut Allaffiup pisiniarnermut politikkip periusissartai najoqqutassartaalu ilanngullugit aqqissuussap sinnerini atuutilersinneqarnissaannut 2017-imi suliaqarnini nangissavaa, tassani Tasiilaq, Paamiut aamma Ittoqqortoormiit nunaqarfiilu ilanngullugit. Maannamut Tasiilaq 2016imi marsimi aamma Paamiut 2016imi aggustimi orninneqareerput.

Aammattaaq aprili 2016 aallarnerfigalugu Nuummi inuussutissarsiutillit ukiumoortumik ataatsimiitinneqartalerput, Niuertut Peqatigiiffiat illoqarfimmilu Sulisitsisut Kommuneqarfik Sermersuumi pisiniartarneq neqeroortitsisarnerlu samminerullugit oqaloqatigiinnissamut paasissutissiinissamullu aggersarneqarlutik.

Kiisalu Pisiortortarnermut Allaffiup sulissutigaa, "Kommuneqarfik Sermersuumi pisiniartarneq neqeroorteqartitsisarnerlu pillugit ukiumut nalunaarusiortoqartarnissaa". Taanna 2017imi ukiup kvartaliansi siullermi saqqummersinneqarnissaa eqqarsaataavoq.

Sanaartornermut attuumassuteqanngitsumik neqeroortitsisarnermut tunngasunik inatsiseqannginnera pissutaalluni maanna Kommuneqarfik Sermersuumi Pisiniartarnermut Allaffiup Kommuneqarfik Sermersuumi Pisiniarnermut Politikkimut marlunnik Tapiliussanik suliaqarpoq, tassa "Nioqqutissanik kiffartuussinermillu pisiortornermut atatillugu neqeroortitsisarneq" aamma



"Kommuneqarfik Sermersuumi pisortat pisiniartarnerannut atatillugu Naammagittaalliuuteqartarfik".
Tapiliussanut taakkununnga marlunnut Sulisitsisut tusarniaaffigineqartarput.

Aaqqiissutissatut siunnersuut – suliatigut naliliineq

Neqerooruteqartitsinermit atatillugu immikkoortuni isumaqatigiissutit nutaat tunngavigalugit, isumaqatigiissutit uatsinnit, immikkoortortaqaarfitsinnit aamma pisiniarfigisatsinnit aalajangiusimatinneqarnissaat siunertaralugu, Pisiortortarnermut Allaffik sukumiisumik isumaqatigiissutinik malitseqartitsisarpoq.

Aningaasaqarnikkut sulisoqarnikkullu naliliinerit

Pisiortortarnermut Allaffik ataavartumik aningaasartuutininik sipaarutaasunik naatsorsuusiortarpoq. Taamaalilluni missingersuutininik ingerlaannaq iluarsisoqarsinnaasalerpoq.

Inatsisitigut tunngavissaq allakkallu tunngaviusumik uppersaatitalit

Kommuneqarfik Sermersuumi Pisiniarnermut Politikki, 24. septembari 2014imi atuutilersinneqartoq, allannguutaalu 13. agusti 2015imeersoq.

Ingerlariaqqinnissaq

Pisiortortarnermut Allaffik neqerooruteqartitsiffiusinnaasunik naliliinissamut suli Kommuneqarfik Sermersuumi misissuineq ingerlanneqassasoq aammalu Pisiortortarnermut Allaffik isumaqatigiissutaasimasunik annertunerusumik paasissutissiissutigineqarnissaannut ingerlatsivinnik immikkoortunillu attaveqatigiinnermik aallussinerussasut.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit allanik oqaaseqaatissaqartoqanngilaq

Oqaaseqaatigineqartut allat

Oqaaseqaateqartoqanngilaq.

Ilanngussat

1. Kommuneqarfik Sermersuumi Pisiniarnermut Periusissaq
2. Kommuneqarfik Sermersuumi Pisiniarnermut Politikki
3. Kommuneqarfik Sermersuumi Pisiniarnermut Periusissaq



5. Suliassat Kommunalbestyrelsimi aalajangiiffigisassat

05A Imigassartaqanngitsumik aaqqissuussinerit

Ilisimatitsissut

J.nr: 50.01

Tamanut Kiffartuussivik – pisortaq Marie Fleischer / MFLE

Suliassamik eqikkaaneq

Kommunalbestyrelsip oktobarimi siunnersuutigini kuaa imigassartaqanngitsumik aaqqissuussisoqartassasoq. Imigassartaqanngitsumik aaqqissuussinerit innuttaasut akornanni nuannarineqarmata innuttaasunullu katersuuffiuneri siunnersuummi tunngavigineqarput. Aaqqissuussat najoqutassaqaarnissaat qulakkeerneqassasoq kommunalbestyrelsimut ilaasortanit siunnersuuteqarnermi anguniarneqarpoq, taamaasillutimmi innuttaasunit nuannaarutaasassammata. Siunnersuuteqarnermi annerusumik Nuummi imigassartaqanngitsumik aaqqissuussisarnissanut sammitinneqarnerupput, maannalu Kommuneqarfik Sermersuup illoqarfiini tamani sisamaasuni imigassartaqanngitsumik aaqqissuussat naammassereersut pilersaarutaasullu allaffeqarfimmit nassuiaasiarineqarput.

Inassuteqaat

Tamanut Kiffartuussiviup Aningaasaqarnermut Ataatsimiititamut inassuteqaatigaa:

- Imigassartaqanngitsumik aaqqissuussinerit ingerlanneqartarnissaat pillugit ilisimatitsissut tusaatissatut tiguneqassasoq
- Ilisimatitsissut Kommunalbestyrelsimut ingerlateqqinneqassasoq

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq: Aningaasaqarnermut Ataatsimiititap ilisimatitsissut tusaatissatut tiguaa oqaaseqaatigalugu, fritidsklubbip Tasiilamilu katersortarfiup akornanni suleqatigiinneq pillugu ingerlatsivik susassaartoq misissueqquneqassasoq.

Suliassamik saqqummiussineq

Imigassartaqanngitsumik aaqqissuussinerit:

Tasiilami qaammammut suliniutinik ingerlatsisoqartarpoq, aaqqissuussinerni meeqqanut inuusuttuaqqanullu timersortarfimmi fritidsklubbimilu nal. 18.00 missaaniit nal. 22.00 tungaanut ingerlasartunik. Aaqqissuussineq nerisitsinermik aallartittassaaq, kingornalu sammisassaqaartitsineq aallartittassaaq, angajoqqaat allakkatigut akuersisinnerisigut meeqqat inuusuttullu fritidsklubbimi sulisunit nakkutigineqarlutik unnuisinnaapput. Unnuisimasut meeqqat nal. 10:00 angerlartinneqannginnerminni angajoqqaaminiilluunniit aaneqannginnerminni ullaakkorsiortinneqartassapput. Qaammammut aaqqissuussinerit isumaginninnermut susassaqaarfimmut pitsaasumik sunnuteqarsimasut takuneqarsinnaavoq taamaattumillu 31. decembari 2016-imit aallartittumik 2017-imilu ingerlatiinnarneqartussamik Ittoqqortoormiini Paamiunilu atuutilersinneqassasut.

Tamatuma saniatigut Paamiuni, Ittoqqortoormiini Tasiilamilu Nuannaffik ingerlanneqartarpoq. Meeqqat qassinilluunniit ukiullit angajoqqaatik peqatigalugit najoqutaqarpallaaratik timersortarfimmiittarnissaannut Nuannisarfik aallartinneqarpoq, periarfissaraallu arsamik



pinnguarnissaq, trampolinerneq, pullattagarsuaq pississaarfik, nerrivimmi arsaaraneq, paaminneq il. il.. Tasiilami Ittoqqortoormiini sapaatip-akunneri tamaasa iluatsittumik ingerlanneqartarpoq. Paamiuni aqqissuussineq nutarsarneqassaaq, nutarsarneqareerunilu ukioq nutaamiit timersortarfimmi sulisut ingerlatsisalissapput.

Nuummi Nuannaffik ingerlanneqarneq ajorpoq. Inuit assigiinngitsut, pisussat assigiinngitsut allallu pillugit aqqissuussinerit allarpasuit kommunimit ingerlanneqartarput. Aqqissuussinerpassuit tamakku kommunimit imigassartaqanngitsumik pilersaarusiorneqartarlutillu ingerlanneqartarput.

Illorput kulturikkut innuttaasut illuattut ammarneqarnerani, imigassartaqanngitsumik aqqissuussinerit assigiinngitsut ingerlanneqartalernissaannut ammaassinerusaaq. Illorput kulturikkut innuttaasut illuat taamaatsillugu soqutiginnittut pisariaqarsorisaminnik aqqissuussaqaarnissamut periarfissaqalissapput. Taamaalilluni innuttaasut aqqissuussatut pisariaqartitat namminneq aqqissuunnissaannut pilersaarusiornissaannullu periarfissaqalissapput. Kommunimiilli ilaqtariinnut tunngasunik aqqissuussisoqartarpoq, soorlu igaffissuaqarnermut tunngasut, tassanilu ilaqtariit allat peqatigalugit unnukkorsioqatigiittoqarsinnaalluni, ilaqtariinnut meerartalinnut assigiinngitsunik sammisaqartitsinerit soorlu suleqatigiikkuutaarluni suliaqartoqarsinnaalluni, ilaqtariit siunnerfigalugit.

Aaqqiissutissatut siunnersuut – suliatigut naliliineq

Imigassartaqanngitsumik aqqissuussinerit assigiinngitsut pitsaaliuinikkut peqqissutsikkullu kommunip innuttaasuinut pitsaasunik sunniuteqartartut nalilerneqarpoq taamaalillutimmi ilaqtariinni, meeqqani inuusuttunilu ataqatigiinneq nukittorsarneqartarluni. Tassa imaappoq, kulturimut ilaqtariinnermullu tunngasutigut nukittorsarneq annertusillutik.

Aningaasaqaarnikkut sulisoqaarnikkullu naliliinerit

Imigassartaqanngitsumik aqqissuussinerit ingerlanneqartarneri susassaqaarfimmi kommunalbestyrelsimit aalajangersimasumik missingersuuteqarfianut ilaapput. Soorlutaaq imigassartaqanngitsumik aqqissuussinerit ingerlanneqarnissaat Kulturimut immikkoortortaqaarfimmit kiisalu Peqqinnermut, Pitsaaliuinnermut Susassaqaartitsinermullu immikkoortortamit qulakkeerneqassasoq. 2017-imi Ittoqqortoormiini najukkami kulturikkut sammisassat ingerlanneqarnissaat qulakkeerniarlugit Tasiilami immikkoortortami aqutsisumit kulturimut susassaqaarfimmit aningaasaliisoqassaaq. Taamaaliornikkut aqqissuussinerit assigiinngitsut amerlanerusut ingerlanneqarsinnaaneri qulakkeerneqassapput kiisalu najukkami kissaatigineqartut naapertorlugit sammisassatut ingerlanneqarsinnaasut qulakkeerneqarlutik.

Inatsisitigut tunngavissaq allakkallu tunngaviusumik uppernarsaatitalit

2017-imi kulturimut tunngasunik suliniuteqarnerit

Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, 6. juni 2016-imeersoq.

Pitsaaliuinnermut Periusissaq – Peqqinneq, Pitsaaliuineq Susassaqaartitsivillu (Meeqqanut, Ilaqtariinnut Atuarfeqaarnermullu Ataatsimiititamit 14. decembari 2016-imi akuersissutigineqarpoq, kingornalu Aningaasaqarnermut Ataatsimiititamut Kommunilbestyrelsimullu nassiunneqarluni) Inuuneritta II.

Ingerlariaqqinnissaq

Imigassartaqanngitsumik aqqissuussinerit suli pisariaqaartitsineq naapertorlugu aqqissuunneqartarlutillu nutarsarneqartassapput aammalu maannamiit imigassartaqanngitsumik



aaqqissuussinerit tunngaviusumik killiliussaqaartinneqarneri Kulturikkut Innuttaasut Illuat Illorput ingerlanniartugulu qulakkeerneqassallutik.

Aningaasaqarnermut Allatseqarfimmit oqaaseqaatit

Aningaasaqarnermut allatseqarfimmiit allanik oqaaseqaateqanngilaq.

Innuttaasunik peqataatitsineq/attaveqaqatigiinneq

Imigassartaqanngitsumik aaqqissuussinerit isumaqatigineqarluarput, taamaattumik sammisassat pilerigineqartutut isigisariaqarlutik.

Ingerlatsivimmit allanit oqaaseqaatit

Ingerlatsivinnit allanit oqaaseqaatinik pissarsiniartoqarsimanngilaq.

Ilanngussat

Soqanngilaq.



05B Pitsaaliuinermi periusissiaq

Ilisimatitsissut

J.nr.: 46.00

Tamanut Kiffartuussivik – pisortaq Marie Fleischer / MFLE

Suliassamik eqikkaaneq

Periusissiaq piffissamut ungasinnerusumut pilersaarutissaavoq, Peqqinnermut, Pitsaaliuinermut Susassaqartitsiviullu immikkoortortaata siunissami anguniagassanut sammivissaa. Taannaavoq piffissami naatsorsuutigisami anguniagaq, sulisut aqutsisullu sulinerannut killiliussanik pilersitsisoq.

Suliaq Meeqqanut, Ilaqutariinnut Atuarfeqarnermullu Ataatsimiititap pingasunngornermi 14. decembari 2016-imi oqaluuseraa inassuteqaatillu akuersissutigalugit.

Inassuteqaat

Meeqqanut, Ilaqutariinnut Atuarfeqarnermullu Ataatsimiititap Aningaasaqarnermut Ataatsimiititamut inassuteqaatigaa:

- Ilisimatitsissut Ataatsimiititamit tusaatissatut tiguneqassasoq.
- suliassaq ilisimatitsissutitut Kommunalbestyrelsimut ingerlateqqinneqassasoq

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq:
Aningaasaqarnermut Ataatsimiititap ilisimatitsissut tusaatissatut tiguaa.

Suliassamik saqqummiussineq

Peqqinneq, Pitsaaliuineq Susassaqartitsiviullu immikkoortortaarfia pitsaaliuinermut tunngasortaanut periusissiamik suliaqarpoq. Periusissiaq, immikkoortortaqarfiup suliaanut taavalu politikikkut anguniakkat qanoq anguneqarnissaannut najoqqutassaassaaq. Pitsaaliuinerup iluani assigiinngitsunik teoreqarpoq suliaqarfeqarlunilu, immikkoortortaqarfiup suliaasa aamma Kommuneqarfik Sermersuumi suliaqarfiusut assigiinngitsut allaaserineqarnissaannik pisariaqalersitsisumik. Periusissiamilu allaaserineqarput suleriaaserineqartut, immikkoortortaqarfiullu pinaveersaartitsinermi suliniutinik qanoq ingerlatitseqqittarnera. Pinaveersaartitsinermi periusissami ilaatigut allaaserineqarput peqqinnissami aamma pinaveersaartitsinermi takorluukkat, anguniakkat, pinaveersaartitsinerup nassuiarneqarnera, ingerlatsiviit akornanni suliat assigiinngitsut, periusissamut najoqqutassiaq, siunertat aamma pinaveersaartitsinermi ataatsimiititap atuuffia.

Peqqinneq, Pitsaaliuineq Susassaqartitsiviup siusinaarluni pitsaaliuinerneq ingerlataraa, maannamullu siusinaarluni pitsaaliuinermut suliaq ingerlasoq 2010-meersoq tunuliaqutaavoq. Marts 2010-mi kommunalbestyrelsep Meeqqanut Ilaqutariinnullu politikki Peqqinnermut politikkimik imalik akuersissutigaat. Peqqinnermut politikki aallaavigalugu 'Najoqqutassiaq Peqqinnermut Pitsaaliuinernullu tunngasoq', Isumaginninnermut Suliffeqarnermullu ataatsimiititalianit november 2010-mi akuersissutigineqartoq, suliarineqarpoq.

Najoqqutassiap immikkoortortaqarfiup suleriisaanik allannguivoq, inuit ataasiakkaat pinnagit innuttaasunut siammasinnerusumik pitsaaliuinerup ingerlanneqarnerulernissaanut tunngammat. Najoqqutassiaq November 2010-mi Isumaginninnermut Suliffeqarnermullu ataatsimiititaliasimasumit akuersissutigineqartumit imatut allaqqavoq: "Sulisut suliassaat: Sulisut piginnaasaat pitsaanerpaamik atussappata siunnersuisutut atuunnissaat, paasisimasanik tunioraanissaat, aallartitsisuunissaat suliniutinullu assigiinngitsunut ataqatigiissarisuunissaat



pingaaruteqarpoq, ingerlatsinerli (assersuutigalugu tunngasumut suliarinnineq) allat akisussaaffigissavaat”.

Tunngaviusumik anguniakkat makkuupput:

1. Qinngasaarunnata – Kammagiitta
2. Robusthed – Tatitussuseq
3. Imminut - Imminut toqunnissamut pinaveersaartitsineq
4. Klassekkuutaarluni atuartut peqqissusaat pillugu sulineq
5. Meeqqanik inuusuttunillu peqqinneq pillugu sullissinermut tunngatillugu maligassiuinerit
6. Inooriaatsip kingunerisaanik nappaatit pillugit pitsaaliuinerimik ukkassineq
7. Nerisaqarnermut politikki
8. Paasissutissiineq orniguttarnerlu aqutugalugit atorluinerimik ajornartorsiuteqarneq pillugu pitsaaliuinerimut tunngatillugu siusissumik iliuuseqarneq
9. Sakiilluut Tuberkulose
10. Nerisaqarneq
11. Timimik atuilluarneq
12. Pujortartarneq
13. Imigassaq hashilu
14. Niuertarfiit suleqatigalugit nerisassanik peqqinnartunik pissarsisinnaanissamik qulakkeerinnineq

Aaqqiissutissatut siunnersuut – suliatigut naliliineq

Peqqinnissamik aamma pinaveersaartitsinermik suliaq Inuuneritta II suliareqqinneqarpoq, taamatuttaaq pinaveersaartitsinermi ataatsimiititamit siunnersuutit kommunimi politikikkut siunertarineqartunut tunngasut suliarineqarlutik.

Periusissiaq piffissamut naleqqussartuaannarsinnaasutut, taamalu politikikkut allannguutitut soorlu kommunimi qinersinissanik eqqugaanissamut navianartorsiunngitsutut nalilerneqarpoq.

Aningaasaqarnikkut sulisoqarnikkullu naliliinerit

Missingersuutit allannguuteqanngillat

Inatsisitigut tunngavissaq allakkallu tunngaviusumik uppernarsaatitallit

Pinaveersaartitsinermut ataatsimiititamut inatsisissatut tunngaviupput Peqqinnissaqarfiup aqunneqarnera, aaqqissuussaana kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersoq § 5 aamma Najukkani pinaveersaartitsinermut ataatsimiisitaliat pillugit Namminersornerullutik Oqartussat nalunaarutaat nr. 18, 18. maj 2001- meersoq.



Ingerlariaqqinnissaq

Periusissami allaaserineqarsimasunut najoqqutassiat suliarineri ingerlateqqinneqassapput, aamma najoqqutassiat ilaannut siunertassanik suliarinnittoqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit allanik oqaaseqaatissaqartoqanngilaq.

Innuttaasunik peqataatitsineq/attaveqaqatigiinneq

Periusissiaq Nuummi pinaveersaartitsineri ataatsimiititamit akuersissuteqarfigineqareerpoq.

Ingerlatsivimmit oqaaseqaatit

Suliaqarfiit assigiinnginneri Meeqqanut, Ilaqutariinnut Atuarfeqarnermullu Ingerlatsivimmit uppersarneqarput.

Siusinnerusukkut aalajangerneq

Meeqqanut, Ilaqutariinnut Atuarfeqarnermullu ataatsimiititap aalajangernera pingasunngorneq ulloq 14 decembari 2016:

Meeqqanut, Ilaqutariinnut Atuarfeqarnermullu Ataatsimiititap inassuteqaatit akuersissutigai.

Ilanngussat

1. Pitsaaliuineri periusissiaq
2. Piffissami 2013-2017 SFF Ataatsimut sammisat. (Ilannguaaqq kingusinnerusukkut nassiunneqassaaq)



05C Kommuneqarfik Sermersuumi katersortarfiit killiffissiornerisa takussutissartaat

Ilisimatitsissut

J.nr.: 09.00

Tamanut Kiffartuussivik - pisortaq Marie Fleischer / MFLE

Suliassamik eqikkaaneq

Borgmesterip kissaateqarneratigut Borgmesterip Allatseqarfia Kommuneqarfik Sermersuumi katersortarfiit tamaasa takussutissartaannik suliaqarpoq, tamatumunnga katersortarfiit illutaasa qanoq inneri sumullu atorneqartarneri ilanngullugu. Takussutissiami assersuutigalugu katersortarfiit sorliit Kommunimi pigineqarnerisut aammalu katersortarfiit sorliit nutartertariaqarnerisut sukkasuumik takuneqarsinnaavoq.

Suliaq Meeqqanut, Ilaqutariinnut Atuarfeqarnermullu Ataatsimiititami 10. novembari oqaluuserineqarpoq, tassanilu inassuteqaatit ataatsimiititami akuersissutigineqarput.

Suliaq Aningaasaqarnermut Ataatsimiititap 24. novembari ataatsimiinnerani oqaluuserineqarpoq, tassanilu Aningaasaqarnermut Ataatsimiititaq aalajangerpoq suliaq Sanarfinermut Avatangiisinullu Ingerlatsivimmumt nassiunneqassasoq. Suliaq Sanarfinermut Avatangiisinullu Ingerlatsivimmi sularineqareerpat Aningaasaqarnermut Ataatsimiititap oqaluusereqqissavaa.

Suliaq 2016-imi novembarip qaammataata naanerani Sanarfinermut Avatangiisinullu Ingerlatsivimmumt nassiunneqarpoq, suliarmullu tunngatillugu ingerlatsivimmit oqaaseqaatissaqaranilu ilanngussassaqaanngilaq.

Inassuteqaat

Meeqqanut, Ilaqutariinnut Atuarfeqarnermullu Ataatsimiititap Aningaasaqarnermut Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq:
Aningaasaqarnermut Ataatsimiititap ilisimatitsissut tusaatissatut tiguaa.

Suliassamik saqqummiussineq

Takussutissami ilanngunneqartumi (ilanngussaq 1) Kommuneqarfik Sermersuumi katersortarfiit tamakkerlugit, aamma illutai qanoq innersut, sumullu atorneqartarnerisut takuneqarsinnaavoq.

Ilanngussaq 1-mi takuneqarsinnaasutut Kommuneqarfik Sermersooq katersortarfinnik pingasunik pigisaqarpoq: Tasiilami, Paamiuniaamma Qoornumi.

Ittoqqortoormiini Qeqertarsuatsiaanilu katersortarfiit nammineq pigineqartut isaterneqarsimapput ajorsilluinnarsimallutilluunniit, illut allat kommunip pigisai katersortarfittut atorneqartariaqalersimallutik. Ittoqqortoormiini illu kommunip pigisaa sullissivittut/ataatsimoorfittut atorneqarpoq, Qeqertarsuatsiaanilu atuarfiup timersortarfia katersortarfittut atorneqarluni.



Ilanngussaq 1imi takuneqarsinnaasutut Kommuneqarfik Sermersooq katersortarfinnik tallimanik pigisaqarpoq: Tasiilami, Paamiuni, Ittoqqortoormiini, Qoornumi Qeqertarsuatsiaanilu. I Qeqertarsuatsiaani atuariup timersortarfia katersortarfittut atorneqarpoq, taamaattumillu kommune piginittutut aamma taaneqarluni.

Katersortarfiit imminnut pigisut nunaqarfinnut aningaasaliissutinit, ininik atukkiussinernit kioskimillu isertitanit aningaasalersorneqarput. Katersortarfiit imminnut pigisut nutarternissaannut kommune atortussanik pisisarsimavoq, assersuutigalugu Arsummi Kulusummilu, aammalu katersortarfinni imminut pigisuni piffissami aalajangersimasumi pilersaarusiukkamik aserfallatsaaliinermut (PPV-mut) atatillugu iluarsaassisarsimalluni.

Aaqqiissutissatut siunnersuut – suliatigut naliliineq

Ataatsimut isigalugu katersortarfiit aserfallannikooqaat, illullu aserfallatsaalinissaannut aningaasassaqtannginnermik malunnarlutik imaluunniit aserfallatsaaliinissaq allatut pingaarnertinneqassanani. Tamanna pingaartumik katersortarfinni nammineq pigisumi takussaavoq.

Iserit-ip septembarip aallaqqaataani 2015imi katersortarfiit kommunimit pigineqartut aqutarilerpai, tamatumani taarsersuinissamik/nutarternissamik pisariaqartitsisoqarnerseq, aammalu paarsinerluttoqarsimappat tamakku qanoq annertutiginersut nalilersorneqassamat. Kommunimi katersortarfiit tamaasa maannakkorpiaq Iserit-ip misissorpai/takuniaaffigai. 2017imi upernaakkut tamakkiisumik malinnaaffigineqarsinnaalernissaat naatsorsuutigineqarpoq, tamatumunnga ilanngullugu katersortarfiit ataasiakkaat nutarterneqassappata qanoq aningaasartuuteqarfigineqassanersut. Aamma katersortarfiit imminnut pigisut takuniarnissaat nalunaarsorneqarnissaallu Iserit-ip anguniarppaa, kommunimit tiguneqartussanngorlugit imaluunniit peqatigiiffiit aningaasaliissutinik sunik qinnuteqaateqarsinnaaneriniq nalilersuiteqqullugit.

Katersortarfinnut kommunimit pigineqartunut, ukiumut kvadratmeterimut piffissami aalajangersimasumi pilersaarusiukkamik aserfallatsaaliinermut (PPV-mut) illikartitsisoqartarpoq, aammalu illut atorneqartut assigiissaakkanik aserfallatsaaligasuagassanut kvadratmeterimut 78 kr.-nik illikartitsisoqartarpoq.

Taamaasilluni katersortarfiit aserfallatsaalineqarnissaannut paarinerlunneqarnerat pinnagu illikartitsisoqartarpoq, tamakku annertunerusunik nutarteriffiusariaqartarmata. Paarsinerlunneq pissutigalugu nutarterinernut atatillugu, aningaasanik qinnuteqartoqassaaq.

Aningaasaqarnikkut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppersaaitallit
Soqanngilaq.

Ingerlariaqqinnissaq
Borgmesterip Allatseqarfiata takussutissaq ingerlatsivinnut susassaqtunut nassiutissavaa.

Aningaasaqarnermut Allatseqarfimmit oqaaseqaatit

Suliami matumani Aningaasaqarnermut Allatseqarfimmut oqaaseqaatinik pissarsiniarnissaq pisariaqanngitsoq Borgmesterip Allatseqarfiata nalilerppaa.

Innuttaasunik peqataatitsineq/attaveqatigiinneq
Soqanngilaq.



Ingerlatsivimmit oqaaseqaatit

Suliaq saqqummiunneqarneranut Sanarfinermut Avatangiisinullu Ingerlatsivimmit oqaaseqaatissaqanngilaq.

Siusinnerusukkut aalajangerneq

Aningaasaqarnermut Ataatsimiititap aalajangernera sisamanngorneq 24. novembari 2016-meersoq:

Aningaasaqarnermut Ataatsimiititap suliaq utertippaa. Suliaq Sanarfinermut Avatangiisinullu Ingerlatsivimmeereerpat oqaluusereqqinneqassaaq.

Meeqqanut, Ilaqutariinnut Atuarfeqarnermullu Ataatsimiititap aalajangernera sisamanngorneq 10. novembari 2016imeersoq:

Meeqqanut, Ilaqutariinnut Atuarfeqarnermullu Ataatsimiititap inassuteqaatit akuersissutigai.

Ilanngussat

1. Kommuneqarfik Sermersuumi katersortarfiit pillugit takussutissaq



05D Kommunalbestyrelsimut ilaasortat siunnersuutaat pillugit killiffik

Ilisimatitsissut

J.nr.: 01.02.01

Tamanut Kiffartuussivik - pisortaq Marie Fleischer / MFLE

Suliassamik eqikkaaneq

Kommunalbestyrelsimut ilaasortat siunnersuutaat qaammatit pingasukkaarlugit Borgmesterip Allatseqarfianit nalunaarsorneqarnerisa takussutissartai suliarineqartarput, aammalu allaffissornikkut taakku sumit akisussaaffigineqarnerisut ilanngullugit.

Inassuteqaat

Borgmesterip Allatseqarfianit Aningaasaqarnermut Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq:
Aningaasaqarnermut Ataatsimiititap ilisimatitsissut tusaatissatut tiguaa oqaaseqaatigalugu siunnersuutit tamarmik assigiimmik pineqassasut.

Suliassamik saqqummiussineq

Kommunalbestyrelsimut ilaasortat siunnersuutaat qaammatit pingasukkaarlugit Borgmesterip Allatseqarfianit nalunaarsorneqarnerisa takussutissartai suliarineqartarput, aammalu allaffissornikkut taakku sumit akisussaaffigineqarnerisut ilanngullugit. Takussutissaq una uani qinigaaffimmi aallaaveqarpoq.

Aaqqiissutissatut siunnersuut – suliatigut nalliiineq.

Ilanngussami erseqqinnerusumik takuneqarsinnaavoq nalunaarsuiffik aamma siunnersuutit ataasiakkaat allaaserineqarnerat.

2013-imi siunnersuutit 20-t saqqummiunneqarput. Siunnersuutit taakkua ingerlatsivinnut killiffiinullu ima immikkoortitigaallutik:

Ingerlatsivik	Aallartinneqareerpoq	Aallartinneqanngilaq	Naammassinera	Tamaasa katillugit
Sanarfinermut Avatangiisinullu	2	0	2	4
Isumaginninnermut, Suliffeqarnermut Inuussutissarsionermullu	2	0	2	4
Meeqqanut, Ilaqutariinnut Atuarfeqarnermullu	1	0	5	6



Tamanut Kiffartuussivik	5	0	0	5
Aningaasaqarnermut Sulisoqarnermullu Kiffartuussivik	0	0	0	0

2014-imi siunnersuutit 19-t saqqummiunneqarput. Siunnersuutit taakkua ingerlatsivinnut killiffiinullu ima immikkoortitigaallutik:

Ingerlatsivik	Aallartinneqareerpoq	Aallartinneqanngilaq	Naammassiner a	Tamaasa katillugit
Sanarfinermut Avatangiisinullu	1	3	4	8
Isumaginninnermut, Suliffeqarnermut Inuussutissarsiornermullu	2	0	2	4
Meeqqanut, Ilaqutariinnut Atuarfeqarnermullu	0	0	1	1
Tamanut Kiffartuussivik	2	0	2	4
Aningaasaqarnermut Sulisoqarnermullu Kiffartuussivik	0	0	2	2

2015-imi siunnersuutit 24-t saqqummiunneqarput. Siunnersuutit taakkua ingerlatsivinnut killiffiinullu ima immikkoortitigaallutik:

Ingerlatsivik	Aallartinneqareerpoq	Aallartinneqanngilaq	Naammassiner a	Tamaasa katillugit
---------------	----------------------	----------------------	----------------	--------------------



Sanarfinermut Avatangiisinullu	10	0	1	11
Isumaginninnermut, Suliffeqarnermut Inuussutissarsionermullu	3	0	0	3
Meeqqanut, Ilaqutariinnut Atuarfeqarnermullu	3	0	3	6
Tamanut Kiffartuussivik	3	0	1	4
Aningaasaqarnermut Sulisoqarnermullu Kiffartuussivik	0	0	0	0

2016-imi siunnersuutit 33-t saqqummiunneqarput. Siunnersuutit taakkua ingerlatsivinnut killiffiinullu ima immikkoortitigaallutik:

Ingerlatsivik	Aallartinneqareerpoq	Aallartinneqanngilaq	Naammassinera	Tamaasa katillugit
Sanarfinermut Avatangiisinullu	5	4	1	10
Isumaginninnermut, Suliffeqarnermut Inuussutissarsionermullu	10	0	0	10
Meeqqanut, Ilaqutariinnut Atuarfeqarnermullu	2	2	5	9
Tamanut Kiffartuussivik	2	3	2	6
Aningaasaqarnermut Sulisoqarnermullu	0	1	0	1



Kiffartuussivik				
-----------------	--	--	--	--

Aningaasaqarnikkut sulisoqarnikkullu naliliinerit

Aningaasartuutaasussatuaq tassa sulisut atorfeqareersut suliamut ingerlatsinerannik piffissaq atorneqartoq.

Inatsisitigut tunngavissaq allakkallu tunngaviusumik uppernarsaatitallit

Soqanngilaq.

Ingerlariaqqinnissaq

Kommunalbestyrelsimut ilaasortat siunnersuutaat qaammatit pingasukkuutaarlugit killiffiinik nalunaarsuineq nutarterneqartassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Ilanngussaq

(Ilanngussat kalaallisut malinnaasillugit nassiunneqrumaarput.)

1. Kommunalbestyrelsimut ilaasortat siunnersuutaasa killiffii – Meeqqanut, Ilaqutariinnut Atuarfeqarnermullu Ingerlatsivik
2. Kommunalbestyrelsimut ilaasortat siunnersuutaasa killiffii – Tamanut Kiffartuussivik
3. Kommunalbestyrelsimut ilaasortat siunnersuutaasa killiffii – Isumaginninnermut, Suliffeqarnermut Inuussutissarsiornermullu Ingerlatsivik
4. Kommunalbestyrelsimut ilaasortat siunnersuutaasa killiffii – Sanarfinermut Avatangiisinullu Ingerlatsivik
5. Kommunalbestyrelsimut ilaasortat siunnersuutaasa killiffii – Aningaasaqarnermut Sulisoqarnermullu Kiffartuussivik



05E Timersornermut politikki

Timersornermut politikki iluarsaannikoq

J.nr.: 55.02

Tamanut Kiffartuussivik – pisortaq Marie Fleischer / MFLE

Suliassamik eqikkaaneq

Piffissami 18. apriliimit 2016 1. juuli 2016-ip tungaanut timersorneq pillugu politikkipissatut siunnersuut tamanut tusarniaassutissatut nassiunneqarpoq. Siunnersuut mailikkut nassiunneqarpoq, kiisalu pappiaranngorlugu assinga peqatigiiffinnut, atuarfennut, kattuffinnut soorlu Kalaallit Nunaanni Timersoqatigiiffiit Kattuffiannut (GIF)-imut, aamma Utoqqaat Siunnersuioqatigiivinut nassiunneqarlutik. Siunnersuut aamma Timersornermut Siunnersuisoqatigiit ataatsimiinneranni oqaluuserineqassaaq.

Tusarniaassut kommunip nittartagaatigut, kommunip facebookimi qupperneratigut aammalu aviisini kommunip allagarsiussaani innuttaasunut nalunaarutigineqassaaq. Tusarniaanissamut pisinnaatitaasut timersornermut politikki pillugu tusarniaanermut akissuteqarnissamut periarfissaqarsimapput. Politikkip oqaasertaliornissaanut suliaq siunnersortimik avataaneersumiit inaarsarneqarsimavoq oqaasertassai tulluarsarlugit, timersornermut politikkip inaarimasaalu akuerisassanngorlugu massakkut nassiunneqarpoq.

Suliaq Meeqqanut, Ilaqutariinnut Atuarfeqarnermullu Ataatsimiititap pingasunngornermi 4. januaari 2017-imi oqaluuseraa inassuteqaatillu akuersissutigineqarput.

Inassuteqaatit

Meeqqanut, Ilaqutariinnut Atuarfeqarnermullu Ataatsimiititap Aningaasaqarnermut Ataatsimiititamut inassuteqaatigaa:

- timersorneq pillugu politikki akuersissutigineqassasoq
- suliaq inaarutaasumik akuersissutigisassanngorlugu Aningaasaqarnermut Ataatsimiititamut ingerlateqqinneqassasoq

Aalajangiineq

Aningaasaqarnermut Ataatsimiititap januaari 19-anni 2017-imi ataatsimiinnerani aalajangerneq:

Aningaasaqarnermut Ataatsimiititap inassuteqaatit akuersissutigai oqaaseqaatigalugu:

- atuisut peqatigiifillu suleqatigalugit timersornermut politikkip atuutilersinneqarnissaata pitsaasuunissaa qulakkeerneqassasoq
- suliamut saqqummiussineq Kommunalbestyrelsimi oqaluuserineqalinnginnerani iluarsineqassasoq

Suliassamik saqqummiussineq

Siunnersuut kommunimi immikkoortumi Peqqinneq, Pitsaaliuineq aamma Susasaqartitsinermi tamanut tusarniaassutigineqarnera suliarineqarpoq. Siunnersortit avataaneersut kingornagut politikkipissamut oqaasertaliortinneqarput.

Timersornermut politikki sunngiffimmi inuunermit sinaakkutit pillugit allaaserinnippoq, taassuma ataani periarfissat, suleqatigiinneq, peqataatitsineq, aamma akuersaarnissaq, kiisalu sulisoqarfinni allanilu inuunerup killiffiini tamani innuttaasunullu tamanut timersornermi neqeroorutit tamat neqeroorutiginnissaasa qulakkeernissaannut peqataanissaq.

Timersornermi Politikkip suliarineqarnera



2015imi maajimi timersoqatigiiffiit ataatsimeersuaqatigineranni immikkut ittumik qulequttamik sammisaqarneq tunngavigalugu Timersornermi Politikkimut siunnersuut suliarineqarpoq. Peqatigiiffiit tamarmik Timersornermi Politikkimut nutaamut qulequttat pingaarnersiukkallu oqaluuseraat. Politikkimi politikikkut siunniussat aamma immikkoortumut innuttaasoq sumik naatsorsuuteqarsinnaanersoq takuneqarsinnaapput.

Timersorneq pillugu politikkipissaaq tamanut tusarniaassutigalugu nassiunneqareerpoq. Siunnersuut mailikkut nassiunneqarpoq, kiisalu pappiaranngorlugu assinga peqatigiiffinnut, atuarfinnut, kattuffinnut soorlu Kalaallit Nunaanni Timersoqatigiiffiit Kattuffiannut (GIF)-imut, aamma Utoqqaat Siunnersuioqatigiivinut nassiunneqarluni. Siunnersuut aamma Timersornermut Siunnersuisoqatigiit ataatsimiinnerani oqaluuserineqareerpoq, taamaattumillu illuatungerisat pisariaqartut tamarmik timersornermut politikkipissamut peqataanissaminnut tunniussaqaarsimapput.

Politikkimut siunnersuut 2015imi maajip aallartinnerani timersoqatigiiffiit tamarmik killilimmik tusarniaavigineqarnerat tunngavigalugu iluarsartuunneqarpoq, tassani timersoqatigiiffiit namminneq kissaatigisaat aamma politikkipissamut kissaatigineqartut anguniakkalu tunngavigalugit siunnersuusiornissaq siunertaavoq.

Peqqinneq, Pitsaaliuineq Sunngiffillu pillugit immikkoortoq tusarniaanermi illugiinnit akissuteqarfigineqarpoq. Tassani kommunip aallaqqaataaniilli tusarniaanermi peqataasussat tamarmik timersornermut politikkip ineriartortinnissaanut ilaatinneqarnissaat pingaartippaa, taamaallilluni tusarniaanermi amerlanerusunik tusarniaanermut akissuteqartoqanngilaq, amerlanerusulli tapiisarnermut maleruagassanut akissuteqaateqarput.

Aaqqiissutissatut siunnersuut – suliatigut naliliineq

Peqqinnissakkut immikkoortortaqaarfik, pinaveersaartitsineq aamma sunngiffimmiit nalilerneqarpoq kommunip pisariaqartikkaa timersornermut politikkip, inuiaqatigiit atuisullu ataatsimoorfissaannik timersornerup silarsuaanit pingaartitanik.

Aningaasatigut sulisoqarnikkullu naliliinerit

Suliaq aningaasaqarnikkut kinguneqateqassanngilaq.

Inatsisitigut tunngavissaq allakkallu tunngaviusumik uppernarsaatitallit

Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, 6. juni 2016-imeersoq
Kommunip nammineq timersornermut politikkipia atuutoq 2009-miit 2011-mut.

Ingerlariaqqinnissaq

Timersornermut politikkip akuersissutigineqarneratigut Tamanut Kiffartuussiviup timersorneq pillugu tusagassiutitigut nalunaarutaata akuersissutigineqarnera, kiisalu politikkip pillugu attuumassuteqarsinnaasut tamaasa assinganik pinissaat qulakkeerniarlugu.

Aningaasaqarnermut Allatseqarfimmit oqaaseqaatit

Aningaasaqarnermut allatseqarfimmit oqaaseqarfigineqanngilaq.

Innuttaasunik peqataatitsineq/attaveqatigiinneq

Tusarniaassut kommunip nittartagaatigut, kommunip Facebookimi qupperneratigut aammalu aviisini kommunip ussaassaarineratigut innuttaasunut nalunaarutigineqassaaq. Politikkipissap akuersissutigineqarneratigut, sermersooq.gl-ikkut aamma sunngiffik.gl-ikkut innuttaasut takunnissinnaatitaanissaat kommunip qulakkeerniarpaa.



Tassunga atatillugu tusagassiorfinnut nalunaaruteqartoqassaaq, timersornermullu politikki timersoqatigiiffinnut tamanut aammalu Kalaallit Nunaanni Timersoqatigiiffiit Kattuffiannut (GIF) kattuffimmullu ilaasortanut tamanut nassiunneqassaaq.

Ingerlatsivinniit allaniit oqaaseqaatigineqartut

Aningaasaqarnermut Allatseqarfiup saniatigut ingerlatsivinnut allanut oqaaseqaatinik pissarsiniartoqangilaq.

Siusinnerusukkut aalajangerneq

Meeqqanut, Ilaqutariinnut Atuarfeqarnermullu Ataatsimiititap aalajangernera pingasunngorneq ulloq 4. januaari 2017:

Meeqqanut, Ilaqutariinnut Atuarfeqarnermullu Ataatsimiititap inassuteqaatit akuersissutigai.

Ilanngussaq/Ilanngussat

1. Timersornermut politikki



05F Tasiilami timersorneq pillugu siunnersuisooqatigiinnik pilersitsisoqarnissaanik siunnersuut

Timersooqatigiiffiit akornanni suleqatigiinnerulernissaq attaveqarnerulernissarlu siunertaralugit siunnersuisooqatigiinnik pilersitsisoqarnissaanik siunnersuut.

Aalajangiiffigisassaq

J.nr.: 55.02.00

Tamanut Kiffartuussivik - pisortaq Marie Fleischer/ MFLE

Suliassamik eqikkaaneq

Tasiilami Peqqinnermut, Pitsaaliuinnermut Susassaqartitsinermullu Immikkoortortamit kissaatigineqarpoq, timersornermut peqatigiiffiit akornanni suleqatigiinneq attaveqartarnerlu anginerullunilu pitsaanerulertariaqartoq siunnersuutigalugulu timersorneq pillugu siunnersuisooqatigiinnik pilersitsisoqassasoq kommunip timersornermullu peqatigiiffiit akornanni attaveqaataasussamik, aammalu siammasinnerusumik suleqatigiittoqarnissaa anguniarlugu siunnersuisarsinnaasunik.

Suliaq Meeqqanut, Ilaqutariinnut Atuarfeqarnermullu Ataatsimiititap pingasunngornermi 14. decembari 2016-imi oqaluuseraa inassuteqaatillu akuersissutigalugit.

Inassuteqaatit

Meeqqanut, Ilaqutariinnut Atuarfeqarnermullu Ataatsimiititap Aningaasaqarnermut Ataatsimiititamut inassuteqaatigaa:

- Tasiilami Timersornermut Siunnersuisooqatigiiliortoqarnissaa ataatsimiititap akuersissutigisagaa
- suliaq Ataatsimiititamit Kommunalbestyrelsimut inaarutaasumik aalajangiiffigisassanngorlugulu ingerlateqqinneqassasoq.

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq: Aningaasaqarnermut Ataatsimiititap inassuteqaatit akuersissutigai oqaaseqaatigalugu, Kommuneqarfik Sermersuumi timersornermut siunnersuisooqatigiinni ileqqoreqqusat suleriaatsillu iluaqutaasumik assigiissarneqarsinnaasut.

Suliassamik saqqummiussineq

Timersooqatigiiffiit akornanni suleqatigiinnerulernissaq attaveqarnerulernissarlu anguniarlugu, Siunnersuisooqatigiiliortoqarnissaa siunnersuutigineqarpoq, Tasiilami timersooqatigiiffiit pitsaanerusumik atugassaqalernissaannut sulissutiginnittussamik.

Siunnersuisooqatigiiliornissap siunertaraa, siunnersuisooqatigiit kommunip aalajangiinissaanut tusarniaaffigineqartassamat. Assersuutigalugu timersortarfimmi akunnerit atugassat agguataarneqarnissaannut, timersornermut ullorititamut assigisaannullu nersorinninnerut.

Timersornermut Siunnersuisooqatigiit timersooqatigiiffiit ataasiakkaat ataatsimoorlutik ataatsimeeqatigisassavaat, tamatumani Timersornermut Siunnersuisooqatigiit ataatsimiititsinissaq, ataatsimiigiaqqusineq/-oqaluserisassaliorneq imaqarniliornerlu akisussaaffigissallugit.

Timersuutit ataasiakkaat iluini ataatsimut qulequttanik peqartariaqarpoq eqqartorneqarsinnaasunik/eqqartortariaqartunik, soorlu aningaasaliisartut, aningaasaateqarfiit, inuussutissarsiutigalugu timersortartunik inerisaaneq/ikorfurtuineq aammalu nalinginnaasumik



misillitakkanik paarlaasseqatigiinnerit. Najukkani pissutsini peqatigiiffiit sulerisarnerini timersornermut siunnersuisoqatigiit paasiniaaqataasassapput.

Tamatuma saniatigut timersornermut siunnersuisoqatigiit aqutigalugit timersornerup silarsuaani atortussanik nutaanik pisaarnissamut eqqartuisoqassasoq - aningaasaqarneq eqqarsaatigalugu kiisalu aningaasaliissutissatut siunnersuutit. Ileqqorissaarnissaq pissuserissaarnissarlu aamma unamminerimi malittarisassat siunnersuisoqatigiit suliassaasa ilagissavaat.

Aaqqiissutissatut siunnersuut – suliatigut naliliineq

Timersornermut Siunnersuisoqatigiinnik pilersitsinikkut kommunimi aalajangiinissanut assigiinngitsunut innuttaasunik pisariaqartinneqartunik peqataatitsinissamut periarfissagissaartoqarnerulissaq. Taassuma peqatigiiffiit Tamanullu Kiffartuussiviup akornanni attaveqarneq pitsaanerulersissavaa.

Aningaasaqarnikkut sulisoqarnikkullu naliliinerit

Timersorneq pillugu siunnersuisooqatigiit aallartinneqarpata annertunerusumik aningaasatigut atuinissaq naatsorsuunneqanngilaq, pitsaanerusumilli aqutsisoqarnissaa, aningaasanik pitsaanerusumik atuisoqalernissaa periarfissaalissaaq, taakkulu timersorneq pillugu siunnersuisooqatigiit siunnersuinerisigut timersornermut siunertanut Kommunalbestyrelsimit aningaasaliissutigineqartassapput.

Inatsisitigut tunngavissaq allakkallu tunngaviusumik uppernarsaatitallit

Inassuteqaatigineqarpoq, siunnersuisoqatigiit pilersinneqassasut Kalaallit Nunaanni kommunit aqunneqarnerinut inatsimmi § 31 imm. 3 naapertorlugu, siunnersuisoqatigiit malittarisassaattut siunnersuut ilanngunneqarpoq.

Ingerlariaqqinnissaq

Kommunalbestyrelsiq akuersissuteqarneratigut timersorneq pillugu siunnersuisooqatigiit pilersinneqarnissaannut pilersitsinissamut ataatsimeersuartoqarnissaanut timersornermut peqatigiiffiit innuttaasullu aggersarneqarlutik aallartissapput kingornalu ileqqoreqqusaliortoqassaaq suleriaasissaliortoqassallunilu. Malittarisassat suleriaaserlu kingornagut Meeqqanut, Ilaqutariinnut Atuarfeqarnermullu Ataatsimiititamut akuersissutigisassanngorlugu ingerlateqqinneqassaaq.

Aningaasaqarnermut Allatseqarfimmit oqaaseqaatit

Suliniut pitsaasuvoq, kommunillu ammasuunerunissamut innuttaasunillu peqataatitsinerunissamik anguniagaanut naapertuuttuulluni. Øs suliassamik saqqummiussamut tunngasumik allamik oqaaseqaatissaqanngilaq, oqaatigiinnassallugulu suliniuteqartoqassappat nammineq malittarisassat iluini ingerlanneqassasoq.

Innuttaasunik peqataatitsineq/attaveqatigiinneq

Kommunimiit ataatsimiigiaqqusisoqareerpat, innuttaasut tassaassapput Timersornermut Siunnersuisoqatigiinnik pilersitsisut.

Ingerlatsivimmit oqaaseqaatit

Ingerlatsiviup nalilerpaa, ingerlatsivinnit allanit oqaaseqaateqartitsinissaq pisariaqanngitsoq.

Siusinnerusukkat aalajangerneq

Meeqqanut, Ilaqutariinnut Atuarfeqarnermullu ataatsimiititap aalajangernera pingasunngorneq ulloq 14 decembari 2016:

Meeqqanut, Ilaqutariinnut Atuarfeqarnermullu Ataatsimiititap inassuteqaatit akuersissutigai.

Ilanngussat



Kommuneqarfik Sermersooq
Aningaasaqarnermut Ataatsimiititaq

Ulloq: 19. januar 2017
Qup. | 40

Soqanngilaq.



05G Paamiuni Timersornermut Siunnersuisoqatigiinnik pilersitsinissaq pillugu siunnersuut

Timersoqatigiiffiit akornanni suleqatigiinnerulernissaq attaveqarnerulernissarlu siunertaralugit Paamiuni siunnersuisoqatigiinnik pilersitsisoqarnissaanik siunnersuut.

Aalajangiiffigisassaq

J.nr.: 55.02.00

Tamanut Kiffartuussivik - pisortaq Marie Fleischer/MFLE

Suliassamik eqikkaaneq

Paamiuni Peqqinnermut, Pitsaaliuinnermut Susassaqartitsinermullu Immikkoortortamit kissaatigineqarpoq, timersornermut peqatigiiffiit akornanni suleqatigiinneq attaveqartarnerlu anginerullunilu pitsaanerulertariaqartoq siunnersuutigalugulu timersorneq pillugu siunnersuisooqatigiinnik pilersitsisoqassasoq kommunip timersornermullu peqatigiiffiit akornanni attaveqaataasussamik, aammalu siammasinnerusumik suleqatigiittoqarnissaa anguniarlugu siunnersuisarsinnaasunik.

Suliaq Meeqqanut, Ilaqutariinnut Atuarfeqarnermullu Ataatsimiititap pingasunngornermi 14. decembari 2016-imi oqaluuseraa inassuteqaatillu akuersissutigineqarlutik.

Inassuteqaatit

Meeqqanut, Ilaqutariinnut Atuarfeqarnermullu Ataatsimiititap Aningaasaqarnermut Ataatsimiititamut inassuteqaatigaa:

- Paamiuni Timersornermut Siunnersuisoqatigiillortoqarnissaa Aningaasaqarnermut Ataatsimiititap akuersissutigisassaga
- Suliaq Kommunalbestyrelsimut inaarutaasumik akuerisassanngorlugu ingerlateqqinneqassasoq

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq: Aningaasaqarnermut Ataatsimiititap inassuteqaatit akuersissutigai oqaaseqaatigalugu, Kommuneqarfik Sermersuumi timersornermut siunnersuisoqatigiinni ileqqoreqqusat suleriaatsillu iluaqutaasumik assigiissarneqarsinnaasut.

Suliassamik saqqummiussineq

Timersoqatigiiffiit akornanni suleqatigiinnerulernissaq attaveqarnerulernissarlu anguniarlugu, Siunnersuisoqatigiillortoqarnissaa siunnersuutigineqarpoq, Paamiuni timersoqatigiiffiit pitsaanerusumik atugassaqalernissaannut sulissutiginnittussamik.

Timersorneq pillugu siunnersuisooqatigiit siunertaraat, siunnersuisooqatigiit kommunip aalajangiuttagaanut tunngatillugu tusarniaaffittut inissisimassammata. Assersuutigalugu timersortarfimmi tiiminik agguataarinerit, timersornerup ullorititaani nersorinnerit assigisaalu pillugit.

Timersornermut Siunnersuisoqatigiit timersoqatigiiffiit ataasiakkaat ataatsimoorlutik ataatsimeeqatigisassavaat, tamatumani Timersornermut Siunnersuisoqatigiit ataatsimiititsinissaq, ataatsimiigiaqqusineq/-oqaluuserisassaliorneq imaqarniliornerlu akisussaaffigisallugit.



Timersuutit ataasiakkaat iluini ataatsimut qulequttanik peqartariaqarpoq eqqartorneqarsinnaasunik/eqqartortariaqartunik, soorlu aningaasaliisartut, aningaasaateqarfii, inuussutissarsiuugalugu timersortartunik inerisaaneq/ikorfartuineq aammalu nalinginnaasumik misilittakkanik paarlaasseqatigiinnerit. Najukkani pissutsini peqatigiiffiit sulerisarnerini timersornermut siunnersuisoqatigiit paasiniaaqataasassapput. Tamatuma saniatigut timersornermut siunnersuisoqatigiit aqutugalugit timersornerup silarsuaani atortussanik nutaanik pisaarnissamut eqqartuisoqassasoq - aningaasaqarneq eqqarsaatigalugu kiisalu aningaasaliissutissatut siunnersuutit. Ileqqorissaarnissaq pissuserissaarnissarlu aamma unamminerimi malittarisassat siunnersuisoqatigiit suliassaasa ilagissavaat.

Aaqqiissutissatut siunnersuut – suliatigut naliliineq

Timersornermut Siunnersuisoqatigiinnik pilersitsinikkut kommunimi aalajangiinissanut assigiinngitsunut innuttaasunik pisariaqartinneqartunik peqataatitsinissamut periarfissagissaartoqarnerulissaq. Taassuma peqatigiiffiit Tamanullu Kiffartuussiviup akornanni attaveqarneq pitsaanerulersissavaa.

Aningaasaqarnikkut sulisoqarnikkullu naliliinerit

Timersorneq pillugu siunnersuisooqatigiit aallartinneqarpata annertunerusumik aningaasatigut atuinissaq naatsorsuunneqanngilaq, pitsaanerusumilli aqutsisoqarnissaa, aningaasanik pitsaanerusumik atuisoqalernissaa periarfissaalissaaq, taakkulu timersorneq pillugu siunnersuisooqatigiit siunnersuinerisigut timersornermut siunertanut Kommunalbestyrelsimit aningaasaliissutigineqartassapput.

Inatsisitigut tunngavissaq allakkallu tunngaviusumik uppernarsaatitalit

Inassuteqaatigineqarpoq, siunnersuisoqatigiit pilersinneqassasut Kalaallit Nunaanni kommunit aqunneqarnerinut inatsimmi § 31 imm. 3 naapertorlugu, siunnersuisoqatigiit malittarisassaattut siunnersuut ilanngunneqarpoq.

Ingerlariaqqinnissaq

Kommunalbestyrelsiq akuersissuteqarneratigut timersorneq pillugu siunnersuisooqatigiit pilersinneqarnissaannut pilersitsinissamut ataatsimeersuortoqarnissaanut timersornermut peqatigiiffiit innuttaasullu aggersarneqarlutik aallartissapput kingornalu ileqqoreqqusaliortoqassaaq suleriaasissaliortoqassallunilu. Malittarisassat suleriaaserlu kingornagut Meeqqanut, Ilaqutariinnut Atuarfeqarnermullu Ataatsimiititamut akuersissutigisassanngorlugu ingerlateqqinneqassaaq.

Aningaasaqarnermut Allatseqarfimmit oqaaseqaatit

Suliniut pitsaasuvoq, kommunillu ammasuunerunissamut innuttaasunillu peqataatitsinerunissamik anguniagaanut naapertuuttuulluni. Aningaasaqarnermut Allatseqarfimmit suliassamik saqqummiussamut tunngasumik allamik oqaaseqaatissaqanngilaq, oqaatigiinnassallugulu suliniuteqartoqassappat nammineq malittarisassat iluini ingerlanneqassasoq.

Innuttaasunik peqataatitsineq/attaveqatigiinneq

Kommunimiit ataatsimiigiaqqusisoqareerpat, innuttaasut tassaassapput Timersornermut Siunnersuisoqatigiinnik pilersitsisut.

Ingerlatsivinnit allanit oqaaseqaatit

Ingerlatsiviup nalilerpaa, ingerlatsivinnut allanut sunniuteqartussaannngimmat taakkunannga oqaaseqaateqartitsinissaq pisariaqanngitsaq.

Siusinnerusukkat aalajangerneq



Meeqqanut, Ilaqtariinnut Atuarfeqarnermullu ataatsimiititap aalajangenera pingasunngorneq ulloq 14 decembari 2016:

Meeqqanut, Ilaqtariinnut Atuarfeqarnermullu Ataatsimiititap inassuteqaatit akuersissutigai.

Ilangussat
Soqanngilaq.



05H Sport Event Nuuk

Aalajangiiffigisassaq

J.nr. 58.03

Tamanut Kiffartuussivik - Pisortaq Marie Fleischer/MFLE

Suliassamik eqikkaaneq

Nuummi nunani tamalaani timersornikkut aaqqissuussinerit pingaarnersiorneqarneri pillugit Kommuneqarfik Sermersuup illoqarfiit pingaarnersaat pillugu periaasissaa tunngavigalugu, Sport Event pillugu ataqatigiissaarisumik taallugu Tamanut Kiffartuussivimmi suliniutinut akisussaasumik atorfinitsitsisoqarpoq.

Sport Event Nuup pilersinneqarnissaanut suliap saqqummiunneqarnerani akuersissutigineqarnissaa noqqaassutigineqarpoq. Sport Event Nuuk aaqqissuussaanikkut Tamanut Kiffartuussivimmiitineqassaaq, tassa Peqqinnermut, Pitsaaliuinnermut Susasaqartitsinermullu Immikkoortortap ataani.

Sport Event Nuuk ikorfartorniarlugu siunnersortarniarlugulu innersuussutigineqarpoq, Timersornermut Siunnersuisoqatigiit tusarniaaffiusartussatut tassunga atatinneqarnissaat, taamaaliornikkut qulakkeerneqassalluni, Nuummi nunanit tamalaanit peqataaffigineqartumik eventeqartitsinerit pilersinneqarnissaat ineriartortinneqarnissaallu, namminersorlutik aaqqissuussisartut peqatigiiffiillu ingiangikkaluarlugit.

Suliaq Meeqqanut, Ilaqutariinnut Atuarfeqarnermullu Ataatsimiititami 10. novembari 2016 oqaluuserineqarpoq, tasanilu inassuteqaatit ataatsimiititami akuersissutigineqarput.

Suliaq 24. novembari 2016-mi Aningaasaqarnermut Ataatsimiititami oqaluuserineqarpoq, aalajangiunneqarporlu suliaq Meeqqanut, Ilaqutariinnut Atuarfeqarnermullu Ataatsimiititamut utertinneqassasoq. Ilusissaq aaqqissuussaanerlu ersarissarneqarnissaat kissaatigineqarpoq, soorluttaaq timersorneq pillugu siunnersuisooqatigiinnik suleqateqarneq misissorneqassasoq.

Suliaq Meeqqanut, Ilaqutariinnut Atuarfeqarnermullu Ataatsimiititap pingasunngornermi 14. decembari 2016-imi oqaluuseraa inassuteqaatillu akuersissutigalugit.

Inassuteqaat

Meeqqanut, Ilaqutariinnut Atuarfeqarnermullu Ataatsimiititap Aningaasaqarnermut Ataatsimiititamut inassuteqaatigaa:

- "Sport Event Nuuk" pilersinneqarnissaa akuersissutigineqassasoq
- Sport Event Nuullu timersornermik aaqqissuussanut atatillugu ilisarnaatip atorineqarnissaa akuersissutigineqassasoq
- timersornermi periusissap siunnersuutigineqarnera akuersissutigineqassasoq
- Suliaq inaarutaasumik akuerisassanngorlugi Kommunalbestyrelsimut ingerlateqqinneqassasoq.

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq: Aningaasaqarnermut Ataatsimiititap inassuteqaatit akuersissutigai Sport Event Nuuk ilisarnaataa minillugu.

Aningaasaqarnermut Ataatsimiititap oqaatigaa, ilisarnaammut taaguutissaanullu unammisitsisoqassasoq.



Suliassamik saqqummiussineq

Kommuneqarfik Sermersuumi illoqarfiit pingaarnersaat pillugu periusissiaq aallaavigalugu, Nuummi sportsevents ineriartortinneqarnissaannut periarfissat suussusersiumallugit suliamik saqqummiussissut una suliarineqarpoq. Nuup eqeersimaartut peqqissutullu nittarsanneqarnissaanut pitsaanerusunik sinaakutissaqarnissaa qitiutinneqarpoq, najukkami, Nunatsinnilu sportseventinik pilersitsisoqarnissaa anguniarlugu. Taamaattumik aamma Kommuneqarfik Sermersuup timersornermut politikissaatut siunnersuummi, tamat, pikkorivissut ineriartortitsinerlu ataani imatut allassimasoqarpoq:

"Timersornermi politikimi periusissiap piareersarneranut atatillugu siunersiuinissaaq imminnullu ikioqatigiinnissaaq siunertaralugu illoqarfimmik nittarsaasinnaasumik misigisaqartitsisunillu aamma klubbit akornanni suleqatigiinnermi siursaataasumik timersornikkut ingerlatanut anginerusunut illoqarfinni pineqartuni ingerlatsinissamat Kommuneqarfik Sermersooq qanoq annertutigisumik siunnerfeqartumik suliaqassanersoq nalilersorneqassaaq."

Periusissiap matuma illoqarfimmi timersoqatigiiffiit ikorfartussavai, siunissamilu Kommuneqarfik Sermersuup suut pingaarnertut anguniassaneraq aqutissiuusallugu. Sport Event Nuuk ersarissassavaa, illoqarfimmi suna qitiutinneqarnersoq, aammalu timersoqatigiiffiit soqutigisaqartullu pineqartut qanimut suleqatigalugit sportseventit suut ingerlanneqartassanersut. Sport Event Nuuk avitseqatigiittarnikkut isumassarsianillu inerisaanikkut, Nuummi timersornikkut pisoqartitsinerni siunnersuisarlunilu misilittakkatigut avitseqateqartassaaq. Siunnersuisoqatigiit Sport Event Nuuk suleqatigalugu eventeqartitsissutaasartunik ikorfartuinissaaq anguniassavaat, tamassuminngalu iluatsitsineq Kommunip ineriartorneranut tapullugu, tassunga ilanngullugu Nuuk nunat tamat akornanni sportseventeqarfittut illoqarfittullu eqeersimaarfittut ingerlanissaanik kissaateqarneq.

Takorloorneqartoq tassaavoq illoqarfik asseqanngitsunik pisoqartitsiffiusartussaaq eqeersimaarfiusoq pilersissallugu, naleqassutsimik qaffariartornermillu pilersitseqataaffiusumik. Aamma Nuuk nunatsinni (tamam) akornanni timersornikkut pisoqartitsiviusartutut ilisimaneqassaaq.

Periusissiami aallaavigineqarpoq illoqarfik misileraarusuttoq, eqqarsaqqittartoq imaluunniit najukkami timersoqatigiiffiit unammijuaartitsinermi tunngaveqartumik gruppini allanik soqutigisaqartunik qanimut suleqatigalugit pilersitseqqittartoq, tamakkununga ilanngullugu Kalaallit Nunaanni Timersoqatigiit Kattuffiat aamma Elite Sport Greenland taamatut assissaqanngitsumik misigisaqartitsinissamat peqataasinnaapput.

Sport Event Nuuk imaattunik suliaqarusuppoq:

- Kommuneqarfik Sermersuup peqatigiiffiillu akornanni ataqatigiissitsisoq, ingerlatitseqqittarnermik paasissutissiisarnermillu qitiusoqarfik, timersoqatigiiffiit, sulisoqarfiit innuttaasullu suleqatigalugit ineriartortitsisoq unammijuaartarnermillu nutaanik pilersitsisoq, taamaalillunilu ingerlatsisut, kajumissutsiminnik suleqataasut minnerunngitsumillu timersortartut akornanni attaveqateqalersitsisoq. Kommune tapiissuteqartarnermigut kommunilu timersoqatigiiffiit timersortarfinnik atuinissaannut tiiminik tunioraasarnermigut inissisimaffeqareerpoq, taamatullu Timersortartut siunnersuisoqatigiivi pilersinneqaaqqammersut suleqataalereerlutik.
- Timersoqatigiiffinnik, timersornermut klubbinik soqutigisaqartunillu aningaasaleeqataasut najoqqutassiissutaat, aningaasaleeqataasunik atuutilersitsineq aammalu tuniniaanissamat periarfissaasa pitsanngorsarnerisigut suleqateqarneq, siunnersuineq ilitsersuinerlu.



Timersoqatigiiffinnut peqatigiiffinnullu, klubbimut tassungalu aningaasaliisartumut naleqarnerulersitsisartumik aningaasaliisartut najoqqutassiaannik ineriartortitsineq atuutilersitsinerlu.

- suleriaatsinik ilusilersuineq, mailikkut nutaarsiassanik, paasissutissanik suliaqarneq nassiussuinerlu, susassaqartitassanik eventinillu pilersitsineq, isumassarsianik ineriartortitsineq, pilersaarusionerq, naammassisaqarneq timersornermilu pisoqartitsinernik nalilersuineq, kiisalu allaffissornermut suliassat assigiinngitsut.

Aningaasat periutsillu

Ataatsimiinnerit pisoqartitsinerillu: Ataatsimiittoqartassaaq, Timersornermut Siunnersuisoqatigiit tusarniarneqartassallutik. Taamaattoqartillugu Sport Event Nuuk iluani ataatsimiinnerit imaluunniit eventeqartussaattillugu najoqqutassap ineriartortinnissaa/attatiinnarnissaaluunniit pillugit, avataani eventeqartitsisartunik ataatsimeeqateqarnerit, workshopsini peqataanerit imaluunniit suliamut tunngasuni allani peqataanerit.

Namminneg kajumissutsiminnik suleqataasartut nalunaarsorsimaffiat: Kommuneqarfik Sermersooq nammineq kajumissutsiminnik suleqataasartut nalunaarsorsimaffiannik peqarpoq, taannalu naapertorlugu aqqissuussinernut eqqortunut inatsisit malittarisassallu atuuttut kommunimit suliarineqarsimasut naapertorlugit nalunaarsorsimaffimmut allatsissimasut ataqqinnittumik atorluarneqarsinnaapput.

Najoqqutassaq: Najoqqutassaqartoqassaaq, tassanilu eventeqartitsinermi allattorsimaffiit misilittakkallu ilaatinneqassapput. Najoqqutassap ineriartortinnissaanut nutartertuarnissaanullu Timersornermut Siunnersuisoqatigiit peqataasarnissaat naatsorsuutigineqarpoq.

Tuniniaaneg attaveqatigiinnerlu: Sport Event Nuuk aqqissuussisartut allat peqatigalugit taamaaliorinnaavoq.

Aningaasaqarneq: Sport Event Nuuk Kommuneqarfik Sermersumit aningaasaliissutigineqartunik aningaasaateqarpoq, maannakkorpiaq ukiumut 300.000 koruuninik atugassaqarpoq, eventeqartitsinernut atugassanik. Pisortanit tapiissutinik pissarsiniartoqassappat aqqutissat ilisimaneqartut qaninnerillu aqqutigalugit qinnuteqaatigineqarsinnaapput.

Eventkalender ukiumoortumillu pisussat: Ukiumoortumik pisartussanik suliaqartoqassaaqilaatigut makkununga tunngasunut:

- Missingersuutit
- Timersornikkut pilersaarutaasumik eventeqartitsinerit

Aaqqiissutissatut siunnersuut – suliatigut naliliineq
Sport Event Nuuk pilersinneratigut Kommuneqarfik Sermersooq timersornikkut ineriartortitsinermi tapersersuisinnaavoq siunnersuisarnikkut, kajumissutsiminnik suleqataarusuttunik pissarsiornikkut, tuniniaanikkut, aningaasaleeqataajumasunik qinnuteqaateqartarnikkut, atotorissaarutitigut minnerunngitsumillu pitsaassutsumik qulakkeerinikkut. Kommuneqarfik Sermersooq pitsaasumik sungiussisimarpaluttumillu unammiaaarnernik pilersitsinissamut pitsaanerpaanik atuagassaqartitsissalluni, peqatigitillugulu ataqatigiinnermik ineriartortitsinermillu pilersitsissalluni.

Aningaasaqarnikkut sulisoqarnikkullu naliliinerit



Siunertamut 300.000 kr. immikkoortinneqarput, siunertamullu immikkut kontuliortoqassaaq, taamaasilluni allaffissorneq aqutsinerlu Sport Event Nuukmiit atsiorneqartassaaq fagchefilu akiliinissamik ingerlatitseqqittassalluni.

Inatsisitigut tunngavissaq allakkallu tunngaviusumik uppernarsaatitallit
Soqanngilaq.

Ingerlariaqqinnissaq

Sport Event Nuuk pilersinneqarnera, periusissaq akuersissutigineqassaaq ilisarnaallu akuersissutigineqarluni. Anguniarneqartoq tassaavoq Sport Event Nuuk, Nuummi aqqissuussinernik 3-4-nik aqqissuussissasoq, taakkunannga unammijuaarnerit 2 - 3t aasaanerani ataaserlu ukiukkut pilersaarutaareerlutik. Aammalu Sport Event Nuuk unammijuaarnerik allanik annikinnerusunik ikorfartuisinnaavoq siunnersuinikkut ilitsersuinikkullu, taakkulu Timersornermut Siunnersuisoqatigiinnut saqqummiuttassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit suliaq qulaani pineqartoq innersuusutigineqarpoq nuannaarutigineqarlunilu siunnersuisoqatigiit uku tamanut kiffartuussivimmit atulissallugit aalajangiunneqarsimasut illoqarfiup pingaarnersaata eqinnaatsumik politikkikkut tunaartanut tulluarmata.

Aningaasaqarnermut Allatseqarfimmit oqaaseqaatigineqarpoq, 300.000 koruunit namminerisamik missingersuutineereersuusut taamaalillutillu Kommuniq aningaasaqarneranut sunniuteqassanngitsut.

Innuttaasunik peqataatitsineq/attaveqaqatigiinneq

Innuttaasut Timersornermut Siunnersuisoqatigiit aqcutigalugit peqataatinneqartassapput, aammalu Kommuneqarfik Sermersuup attaveqaateqarnermut immikkoortortaarfiani Sport Event Nuuk pilersinneqarnera pillugu tusagassiorfinnut nalunaaruteqassalluni.

Suliat imaluunniit aqqissuussinerit, Sport Event Nuuk peqataaffigisai aqqissuussisut ataasiakkaat nittartagaasigut nalunaarutigineqartassapput, aamma www.sermersooq.gl aamma www.sunngiffik.gl aqcutigalugit saqqummiunneqartassapput.

Ingerlatsivimmit allanit oqaaseqaatit

Soqanngilaq.

Siusinnerusukkat aalajangerneq

Meeqqanut, Ilaqutariinnut Atuarfeqarnermullu Ataatsimiititap aalajangernera 14. decembari 2016-imeersoq:

Meeqqanut, Ilaqutariinnut Atuarfeqarnermullu Ataatsimiititap inassuteqaatit akuersissutigai.

Aningaasaqarnermut Ataatsimiititap aalajangernera sisamanngorneq 24. novembari 2016imeersoq:

Suliaq Meeqqanut, Ilaqutariinnut Atuarfeqarnermullu Ataatsimiititamut naliligassanngoqqillugu utertinneqassaaq. Ilusissaq aqqissuussaanerlu ersarissarneqassapput, soorluttaaq timersorneq pillugu siunnersuisoqatigiinnik suleqateqarneq misissorneqassasoq.

Meeqqanut, Ilaqutariinnut Atuarfeqarnermullu Ataatsimiititap aalajangernera sisamanngorneq 10. novembari 2016imeersoq:

Meeqqanut, Ilaqutariinnut Atuarfeqarnermullu Ataatsimiititap inassuteqaatit akuersissutigai.



Ilanngussat

1. Sportseventimut periusissiamut siunnersuut
2. Ukiumoortumik pilersaarut Sport Event Nuuk
3. Sport Event Nuuk 2017imut missingersuutit
4. 161103_Sport Event Nuuk_Logo



05I Taxarnissamut akuersissutinik illup iluani piginnaatitsineq

Aalajangiiffigisassaq

J.nr.: 70.03.16

Tamanut Kiffartuussivik – pisortaq Marie Fleischer / MFLE

Suliassamik eqikkaaneq

Taxarnissamut akuersissutinik ullumikkut suliamik suliaqartarnek eqqarsaatigalugu innuttaasunik sullissivimmi suliamik suliaqarnek sukumiisoq isumagineqartarpoq, taxarnissamut akuersissutinik tunniussisoqassatillugu suliamik sularinnittoq atsiortuusarluni, inaarutaasumillu akuersissutiginissaanut atsiugassanngorlugu borgmesterimut saqqummiunneqartarpoq.

Taxarnissamut akuersissutinik tunniussisarnermi suliap ingerlanera tamaat innuttaasunut sullissiviup iluani aqunneqalerunik pissusissamisoornerussasoq. Taamaalilluni borgmesteri ikiorneqassaaq, aamma sularinerani piffissaq annikinnerulissalluni.

Inassuteqaat

Tamanut Kiffartuussiviup Aningaasaqarnermut Ataatsimiititamut inassuteqaatigaa:

- Kommuneqarfik Sermersooq Nuummi innuttaasunut sullissivimmi allaffissornermi pisortaq taxarnissamut akuersissutinik Kommuneqarfik Sermersooq sinnerlugu tunniussisinaanngortinnissaa pillugu Aningaasaqarnermut Ataatsimiititamut aalajangiiffigineqassasoq
- Suliaq inaarutaasumik akuerisassanngorlugu Kommunalbestyrelsimut ingerlateqqinneqassasoq.

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq: Aningaasaqarnermut Ataatsimiititap inassuteqaatit akuersissutigai oqaaseqaatigalugu, innuttaasunut sullissivimmi aqutsisoq taassumalu tullersortaa taxanut akuersissutinik tunniussinissamut piginnaatinneqarsinnaasut.

Suliassamik saqqummiussineq

Taxarnissamut akuersissutinik ullumikkut suliamik suliaqartarnek eqqarsaatigalugu innuttaasunik sullissivimmi suliamik suliaqarnek sukumiisoq isumagineqartarpoq, taxarnissamut akuersissutinik tunniussisoqassatillugu suliamik sularinnittoq atsiortuusarluni, inaarutaasumillu akuersissutiginissaanut atsiugassanngorlugu borgmesterimut saqqummiunneqartarpoq.

Aaqqiissutissatut siunnersuut – suliatigut naliliineq

Taxarnissamut akuersissutinik tunniussisarnermi suliap ingerlanera tamaat innuttaasunut sullissiviup iluani aqunneqalerunik pissusissamisoornerussasoq. Taamaalilluni borgmesteri ikiorneqassaaq, aamma sularinerani piffissaq annikinnerulissalluni.

"Pitsaasumik ingerlatseriaaseqarnek" pillugu ombudsmandip oqaaseqarsimanera ilanngunneqarpoq, tassa oqartussaasunit aalajangiinerit immikkoortortat sinnerlugit atsiorneqartariaqanngitsut, sulisumiilli sularinnittuusumit taxarsinnaanermut akuersissummik tunniussisinnaasutut atorfeqartinneqartumit atsiorneqartassasut.

Taamaattumik innersuussutigineqassaaq taxarnissamut akuersissutit siunissami atsiorneqartalernissaat aamma Aningaasaqarnermut ataatsimiitami aqutsisumit akuersissutigineqartalermissaat, aamma Kommune sinnerlugu taxarnissamut akuersissutinik tunniussisinaanermut Kommunalbestyrelsi oqartussaaqataanissaanut. Kommune sinnerlugu



taxarnissamut akuersissutit tunniuttarnissaannut piginnaatitsinissaq siunnersuutigineqarpoq, tassani Nuummi innuttaasut sullissiviata pisortaanut tunniuneqartarnissaat siunnersuutigineqarpoq

Taxarnissamut akuersissutinut tunngasunik naammagittaalliuteqartoqartillugu, tunngaviusumik suliaqartoqartillugu killiffissiuisoqartillugulu taakku Aningaasaqarnermut Ataatsimiititamut saqqummiunneqartarneri attatiinnarneqassasut, tassanilu tunngavilersuutigineqarpoq piginnaatinneqartut Aningaasaqarnermut Ataatsimiititap suliaasaqarfimmi pingaarnertut akisussaasuunera tigusussaangimmassuk.

Oqartussaqaqarfimmi pineqartumi illup iluaneersunik piginnaatitsineq pineqarpoq, oqartussaassuseqarnerlu eqqarsaatigalugu uani pineqaannarluni pingaarnerusumik/pingaanginnerusumik piginnaatitsinerit nalinginnaasut attatiinnarneqassasut, taamaammallu illup iluani piginnaatitsineq ajornaquteqanngitsumik atorneqarsinnaavoq.

Aningaasaqarnikkut sulisoqarnikkullu naliliinerit

Aningaasaqarnikkut sulisoqarnikkullu atuinertaa allannguuteqassanngilaq, akerlianillu taxarnissamut akuersissutip innuttaasunik sullissivimmiit atuutilersinneqarnissaanut suliamik suliaqarnermi piffissamik atuneq sivikinnerulissalluni.

Inatsisitigut tunngavissaq allakkallu tunngaviusumik uppernarsaatitallit

- Taxartarneq pillugu Kommuneqarfik Sermersuup ileqqoreqqusaa 1. januaari 2009meersoq
- Kommuneqarfik Sermersuumi Kommunalbestyrelsimut aqutsinermut inatsit 17. marsi 2015-imeersoq

Ingerlariaqqinnissaq

Innutaasunut sullissivik Aningaasaqarnermut ataatsimiititap aalajangernera pillugu paasissutissinneqarumaarpoq, aamma illup iluani suleriaatsip tulluarsarlugu aaqqissuunneqarnissaanik piumaffigineqarumaarput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

Aningaasaqarnermut Ataatsimiititap aalajangernera kommunip nittartagaani kiisalu kommunip paasissutissiiviini allani saqqummiunneqassaaq.

Ilanngussat

Soqanngilaq.



05J Kommuneqarfik Sermersuumi qarasaasiaqarnikkut isumannaallisaaneq

Aalajangiiffigisassaq

J.nr. 02.20.01.2016

Aningaasaqarnermut Sulisoqarnermullu Kiffartuussivik – pisortaq Lars Møller-Sørensen / LMS

Suliassamik eqikkaaneq

Qarasaasiatigut peqquserluutit assit tuugassat suliffeqarfinnut pisortallu suliffeqarfiinut nassiunneqartarneri ingatsikkaluttuinnarput. Peqataanik kommunip qarasaasiatigut atortuutaanik kiffartuussinikkut patajaatsuunissamillu avataaniit piumasaqarneq annertusiartorluni. Suliffiup aamma iluani qarasaasialerisunit ingerlatsinermut neqeroorutinullu naatsorsuutigisat annertusiartuinnarlutik. Kommune sulifferujussuuvoq, ilaatigullu nakkutigineqartinnani ilimasaarneqartinnanilu qarasaasiatigut iliuitsit kinguneri malinnaavigiuminaassinnaallutik

Inassuteqaat

Aningaasaqarnermut Sulisoqarnermullu Kiffartuussiviup Aningaasaqarnermut Ataatsimiititamut inassuteqaatiga:

- Kommuneqarfik Sermersuumi qarasaasiaqarnermut isumannaallisaaneq akuersissutigineqassasoq
- Suliaq Kommunalbestyrelsimut inaarutaasumik aalajangiiffigisassanngorlugu ingerlateqqinneqassasoq

Aalajangiineq

Aningaasaqarnermut Ataatsimiititaq januaarip 19-anni 2017-imi ataatsimiinnerani aalajangerneq:
Aningaasaqarnermut Ataatsimiititaq inassuteqaatit akuersaarpai.

Suliassamik saqqummiussineq

Kommuneqarfik Sermersuumi qarasaasiatigut atuneq isumannaatsoq, ingerlatsinikkut isumannaatsoq, atortut patajaatsut qularnaatsullu suli pigineqaannarnissaat anguniarlugu, Qarasaasianik atuneq pillugu isumannaallisaanermut politikkilliorpugut. Politikki una siunissami qarasaasianik qarasaasiallu atortuinik atuineri pingaaruteqarlunnartussaavoq. Politikki naapertorlugu ataatsimut qarasaasiamik atuineri ataavartuunissaq katataannginnissarluni qulakkeerneqassapput. Politikki maleruagassallu kingornatigut politikkimut ikorfartuutaasussat atorlugit, kommunimi atortuutit atortulluunniit atugassat ilaat, kommunip ilaani allami isumannaallisaanikkut aporaatsitsinnginnissaa qulakkiissavarput.

Aaqqiissutissatut siunnersuut – suliatigut naliliineq

Politikkip pingaarnerup akuersissutigineqartup sulianik, najoqqutassanik malittarisassanillu ikorfartorneqartup atulersinneqarnissaa. Qarasaasiatigut aporfiusinnaasortaqaanngitsunik patajaatsumik assigiimmillu isaaveqarnissaanut qulakkeerinnittumik toqqammaviussaasq. Ersarinnginnerup annikinnerpaaffianiitinnissaanut minnerunngitsumillu ileqqorissaarluni ingerlatsinissaq Kommuneqarfik Sermersuumit malinneqassasoq qulakkeerniarlugu sakkussaavoq pingaarutilik.

Aningaasaqarnikkut sulisoqarnikkullu naliliinerit

Politikkip eqqunneqarneratigut eqquutsinneqarneratigullu siunissami ungasinnerusumi sulisut eqqortumik atorneqarnissaat malittarisassallu akuersisaasut malinneqarnissaat qulakkeerneqassapput Politikki eqquutsinneqarpat, isumannaatsuunikkut peqquserlunniat



aammalu isumannaatsumik sulisoqannginnerata kinguneranik atortut atorsinnaasanginneri annikinnerpaaffianiitineqassapput.

Inatsisitigut tunngavissaq allakkallu tunngaviusumik uppernarsaatitallit
Soqanngilaq.

Ingerlariaqqinnissaq

Kommunalbestyrelsip akuersissuteqarneratigut ingerlatsiviit malinnaavigineqarneri ingerlatitseqqiffiqineqarnissaallu sammineqalissapput, taamaasillutik illuatungerisat attuumassuteqartut tamarmik qarasaasiaqarnermut isumannaallisaanermut politikki pillugu paasitinneqarniassammata ilisimaariniassammattigulu.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup suliap saqqummiunneqarnera qulaani allaaserineqartoq innersuussutigaa, tassanimi kommunip takorluugaa periusissaalu ikorfartorneqarmata.

Innuttaasunik peqataatitsineq/attaveqaqatigiinneq

Soqanngilaq.

Ilanngussat

1. Qarasaasianik atuineq pillugu isumannaallisaanermut politikkit 1.6 (kal)



05K Suliniut Nunani Avannarlerni Pinngortitami isumalluutiniq aqutsineq aalisarneq piniarnerlu pillugit ilisimasat

Aalajangiiffigisassaq

J.nr.: 72.01

Isumaginninnermut, Suliffeqarnermut Inuusutissarsiornermullu Ingerlatsivik – pisortaq Grethe H. Nielsen / GRNI

Suliassamik eqikkaaneq

Nunani Avannarlerni Pinngortitami isumalluutiniq aqutsineq aalisarneq piniarnerlu pillugit ilisimasat pillugit Aalisarnermut, Piniarnermut Nunalerinermullu Naalakkersuisoqarfik oktobarip arfernanni saqqummiussaqqarpoq.

Saqqummiussaqqarnermut tunngaviuvoq suliniut pillugu paasissutissanik tunniussaqqarnissaq, kiisalu kommune suliniummut peqataarusunnersoq Kommuneqarfik Sermersuumut isummerfigeqquneqassasoq.

Suliassamut isumalluutinullu Arsummiut soqutiginnittorujussuupput ilisimasaqarluarlutillu. Aamma Arsummiut aqutsinermi peqataatinneqarnissartik soqutigisorujussuaat, Ivittuut eqqaani umimmannik aqutsinissamut piniartut oqartussaaqataanissamut ilusilersueqataatinneqassammata.

Suliniuummi Ivittuut eqqaanni tuttunik umimmannillu aqutsinissamut pilersaarusiortoqqarnissaanik inerneqassaaq. Kommune suliniuummi peqataassappat aqutsinissamut pilersaarummi Ivittuut eqqaanni piniartunut naleqqussarneqassaaq.

Isumaginninnermut, Suliffeqarnermut Inuusutissarsiornermullu Ataatsimiititap suliaq ataasinngornermi 12. decembari 2016-imi oqaluuseraa inassuteqaatillu akuersissutigalugit.

Inassuteqaat

Isumaginninnermut, Suliffeqarnermut Inuusutissarsiornermullu Ataatsimiititap Aningaasaqarnermut Ataatsimiititap inassuteqaatigaa:

- suliniuummi peqataanissaq akuersissutigineqassasoq, aammalu
- Suliaq Kommunalbestyrelsimut ilisimatitsissutitut ingerlateqqinneqassasoq.

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq:
Aningaasaqarnermut Ataatsimiititap inassuteqaatit akuersaarpai.

Suliassamik saqqummiussineq

Nunani Avannarlerni Pinngortitami isumalluutiniq aqutsineq aalisarneq piniarnerlu pillugit ilisimasat pillugit Aalisarnermut, Piniarnermut Nunalerinermullu Naalakkersuisoqarfik oktobarip arfernanni saqqummiussaqqarpoq.

Saqqummiussaqqarnermut tunngaviuvoq suliniut pillugu paasissutissanik tunniussaqqarnissaq, kiisalu kommune suliniummut peqataarusunnersoq Kommuneqarfik Sermersuumut isummerfigeqquneqassasoq.



Suliassamut isumalluutinullu Arsummiut soqutiginnittorujussuupput ilisimasaqarluarlutillu. Aamma Arsummiut aqutsinermi peqataatinneqarnissartik soqutigisorujussuaat, Ivittuut eqqaani umimmannik aqutsinissamut piniartut oqartussaaqataaannissamut ilusilersueqataatinneqassammata.

Suliniuummi Ivittuut eqqaanni tuttunik umimmannillu aqutsinissamut pilersaarusiortoqarnissaanik inerneqassaaq. Kommune suliniuummi peqataassappat aqutsinissamut pilersaarummi Ivittuut eqqaanni piniartunut naleqqussarneqassaaq.

Najukkami isumalluutinik aqutsinermut siunnersuisoqatigiit Arsummi 2015imi pilersinneqarput, tassanilu ilaasortat ikinnerpaaffilikkamik kisitsinermut Pinngortitaleriffimmiit ilinniartinneqarnikuupput. Isumalluutinik aqutsinissamik siunnersuisoqatigiit ilaatigut kissaatigaat ukiumoortumik ikinnerpaaffissalikkamik kisitsisarnerit akisussaaffigilernissaat, aammalu tuttoqassuseq umimmaqassuserlu nakkutigissallugu, kiisalu piniarneq nakkutillisuuffigissallugu, tamatumunnga ilanngullugu unioqqutitsisumik piniarneq.

Aaqqiissutissatut siunnersuut – suliatiqut naliliineq

Nunani Avannarlerni Pinngortitami isumalluutinik aqutsineq Pisunami misilittagaqarpoq, Namminersorlutik Oqartussat misiligummik suliniutaanni. Aalisartut, piniartut aammalu pinngortitamut avatangiisinullu soqutigisaqartut allat Namminersorlutik Oqartussat isumalluutit uumassusillit pillugit aqutsinissami misiligummik suliniutaanni peqataapput. Suliniuummi isumalluutit aqunneqarnissaat sumiiffinni uppersaatissat sorlaqartinneqartut pilersinnissaat misilerarnissaallu anguniarneqarpoq. Misileraaneq nunaqarfanni toqqakkani Qeqertarsuup Tunuanilu illoqarfiit toqqakkat Ummannap Kangerluanilu Nunatta Kitaata Avannaaniittuni.

Suliniut decembari 2016imi inarneqassaaq. KNAPK aamma Qaasuitsup Kommuneata suliniut namminneq akiliuteqarfialugu ingerlappaat.

Suliniuummi pitsaaqutaavoq, piniartut ilisimasaat uumassusilerituut ilisimasaannut naleqqiullugu sukkasuumik Namminersorlutik Oqartussat suliassaqarfiinut ingerlateqqinneqartarmata. Piniartut paasisaat pinngortitami sillimmatigineqartunik aqutsinermi atorluarneqartarput. Ivittuuni najukkami umimmannik aqutsineq iluaqutaassaaq, ungasianiit aqutsisoqarnissaa imaannaanngissinnaasarmat.

Nunatta Kujataani tuttunik aqutsineq namminersortumit ingerlanneqartoq misilittagaqarfineqalereerpoq.

Aningaasaqarnikkut sulisoqarnikkullu naliliinerit

Kommuneqarfik Sermersuumi suliniuummi sulisoqarnikkut atuneq tassaavoq siunnersortip suliniuummi piffissaq atugaa. Minnerpaamik siunnersorti aqutsinermut pilersaarummut immersuissaaq, Namminersorlutik Oqartussat allattuuffigisaanut. Kommunimi siunnersortitut atorfilik aamma ataatsimiikkasuartarnerni peqataasassaaq.

Suliniut toqqaannartumik aningaasatigut kommunimut atuiffiussanngilaq, suliniuummut makku aningaasaliissuteqareermata:

- Nunani Avannarlerni Ministerit Siunnersuisoqatigiivi, Issittoq 2015-2017 (1.000.000 DKK)
- Nunani Avannarlerni Ministerit Siunnersuisoqatigiivi, Aalisakkat (500.000 DKK)
Avatangiisillu (500.000 DKK)
- Nunani Avannarlerni Ministerit Siunnersuisoqatigiivinut qinnuteqarnissaaq
kissaatigineqarpoq, Kulturi (500.000 DKK)



Inatsisitigut tunngavissaq allakkallu tunngaviusumik uppernarsaatitallit
Soqanngilaq.

Ingerlariaqqinnissaq

Ataatsimiititami kommune suliniummi peqataassanersoq peqataassannginnersorluunniit isummerfigineqareerpat, ingerlatsiviup Aalisarnermut Piniarnermullu Naalakkersuisoqarfik nalunaarfigissavaa.

Aningaasaqarnermut Allatseqarfimmit oqaaseqaatit

Suliami matumani Aningaasaqarnermut Allatseqarfimmut oqaaseqaatinik pissarsiniarnissaq pisariaqanngitsoq Ingerlatsivimmit nalilerneqarpoq.

Innuttaasunik peqataatitsineq/attaveqaqatigiinneq

Arsummiut suliniummut peqataatinneqarput.

Siusinnerusukku aalajangerneq

Isumaginninnermut, Suliffeqarnermut Inuussutissarsiornermullu Ataatsimiititap aalajangernera ataasinngorneq decembarip 12-ianni 2016imeersoq:

Aalajangiineq Isumaginninnermut, Suliffeqarnermut Inuussutissarsiornermullu Ataatsimiititami akuerineqarpoq.

Ilanngussat

Soqanngilaq.



05L Nunatsinni upalungaarsimanermut atugassatut radiukkut attaveqaqatigiinneq

Aalajangiiffigisassaq

J.nr.: 85.02

Sanarfinermut Avatangiisinullu Ingerlatsivik – pisortaq Miké Jakob Kristiansen / MJKR

Suliassamik eqikkaaneq

Kommuneqarfik Sermersooq Namminersorlutik Oqartussanit, Upalungaarsimaneq Qaartiterutissallu, Pinngortitamut, Avatangiisinut Nukissiuuteqarnermullu Naalakkersuisoqarfimmit, paasitinnearpoq Kalaallit Nunaanni Politiit maanna radiukkut attaveqaatiminnik nutarterilersut digitaliusumillu radiukkut attaveqaatigisaminnik taarsersuilersut. Tamatumunnga atatillugu Annaassiniartartunut, peqqinnissaqarfimmut kiffartuussisunullu attuumassuteqartunut allanut peqataanissamut soqutiginnittoqarnersoq saaffiginnissuteqartoqarpoq. Oqartussaasut maannakkut radiukkut attaveqaatinik, oqartussaasut suliassamik assigiinngitsunik suleqatigiillutik suleqatigiissuteqarnissaannut piunarsaqaatinut naammassinnittunik peqalernissaa pisariaqarsorilerpaat.

Ullumikkut radiukkut attaveqaqatigiinneq oqartussaqaarfiit, sulisoqarfiillu assigiinngitsut akornanni VHF-radiut, tamarmik immikkut kanalillit atorlugit ingerlanneqarpoq, taamaattumillu annertuumik ajutoortoqartillugu, ikuallattoortoqartillugu, qaartartumeerinissamik siorasaarisooqartillugu imaluunniit ajunaarnersuaqartillugu oqartussaqaarfiit assigiinngitsut suleqatigiittussaattillugit attaveqaqatigiittussaattillugillu ajoqutaasinnaalluni. Politiinut, peqqinnissaqarfimmut imaluunniit Mittarfeqarfinnut toqqaannartumik attaveqartoqarsinnaanngilaq. Tassunga atatillugu radiut analogiusut ukiut 5-10 qaangiuppata atorunnaartussatut naatsorsuutigineqartariaqarpoq, tamatumalu kingornagut taartissamaatit allallu pissarsiariniarnissaat ajornakusoortussanngussaaq.

Suliaq Sanarfinermut Avatangiisinullu Ataatsimiititap ataatsimiinnerani ulloq 13. decembari 2016 oqaluserineqarpoq, tassanilu ataatsimiititap inassuteqaatit akuerai.

Inassuteqaatit

Sanarfinermut Avatangiisinullu Ataatsimiititap Aningaasaqarnermut Ataatsimiititamut inassuteqaatigaa:

- Annaassiniartartut, Kommuneqarfik Sermersooq, Nunatsinni radiukkut attaveqaatit taarserneqarnissaannut pitsanngorsarneqarnissaannullu peqataassasoq, maannakkut aningaasaliissuteqarnissamut aalajangiisoqanngikkallaruni
- Suliaq inaarutaasumik akuerisassanngorlugi Kommunalbestyrelsimut ingerlateqqinneqassasoq.

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq:
Aningaasaqarnermut Ataatsimiititap inassuteqaatit akuersarpai.

Suliassamik saqqummiussineq

Kalaallit Nunaanni Upalungaarsimaneq pillugu ataatsimiititaliaq suleqatigiissitaliorsimavoq, Kalaallit Nunaanni 2013imi upalungaarsimanissami attaveqaqatigiittarnissaq pillugu nalunaarusiortitsilluni. Nalunaarusiami erseqqissaatigineqarpoq oqartussaasut assigiinngitsut suleqatigiissinnissaanni attaveqaatitigut malunnaatilimmik pisariaqartitsisoqartoq, radiukkullu attaveqaatitigut



pitsanngorsaasoqartariaqartoq, aammalu qatserisartoqarfinnut allanut attaveqaqatigiikkasuartaateqalernissaq pisariaqartinneqarsinnaasoq (push to talk funktionalitet). Tamanna naleqquttut isumaqarfigineqarpoq, assersuutigalugu Nuummi Qatserisartut qatserisartoqarfinnut arlalinnut ataatsikkut attaveqarsinnaapput, tamanullu nalunaaruteqarsinnaallutik.

Illoqarfinni arlalinnut attaveqaatinik pisariaqartitsisunut Sisimiut assersuunneqartarput. Nalilerneqarpoq, agguaqatigiissillugu qaammammut ataasiarluni arlallit attaveqaqatigiittarnissaat pisariaqartinneqartartoq. Illoqarfiit assersuutigineqartartut ullumikkut qatserisartut politiillu ulluinnarni radiukkut attaveqatigiinneq ajorput.

Tamatuma saniatigut mittarfiit upalungaarsimasuutitaasa illoqarfinni mittarfinnilu upalungaarsimanissamut suliaqarnerni kommunimi upalungaarsimasunik attaveqarnissaq pisariaqartittarpaat, tassami upalungaarsimasut ilaannikkut illoqarfinni mittarfinnilu imminnut ikioqatigiittarmata.

Nalunaarusiami upalungaarsimanissamut attaveqaatit ullutsinnut naleqquttut atuutilersinneqarnissaat digitalusariaqartut allaaserineqarput, tassanilu ilaatigut anngiussassanik paasiuminaallisaasoqarsinnaasoq.

Tassunga ilanngunneqassaaq, radiut analogiusut ukiut 5-10t ingerlaneranni atorunnaarsikkiartuaarnissaat naatsorsuutigineqassammat, kingornatigullu taartissamaatissanik allanillu pissarsiniartarnissaq ajornakusoortunngussalluni. Arlalinnik attaveqaqatigiittoqartarnissaanik pisariaqartitsineq

Kalaallit Nunaanni arlallit attaveqaqatigiittarnissaannut kommunit erseqqissumik nalunaaruteqarnissaat Politiiniit kissaatigineqarpoq. Suut tamarmik atuutilersinneqarpata atorneqarnissaminnullu piareerpata, siunissami peqataaniarluni nalunaartoqarsinnaanngilaq.

Aningaasaqarnikkut sulisoqarnikkullu naliliinerit

Atortorissaarutininik nutaanik pisinissamut aningaasaliissuteqarnissaq akisuujussaaq, suleqatigiissitallu nalunaarusiami 2013imeersumi pingaartinneqartunut aningaasartuutaasussat erseqqissarnikuuaat.

Pingaarne rsiuineq/	Suliassa qarfik	Pissarsineq	Ukiumut ingerlatsineq
1.	Nuummi Tetra-sitesinik pingasunik pilersitsineq aammalu aallartarfik angallattakkamik pisineq	DKK 8,9 mio.	DKK 1,3 mio.
2.	Nuummi ilassutitut matussusiineq: Nuummi allamik quppernermik pilersitseratarnissaq (amerlanerit pisariaqartinneqarsinnaapput)	DKK 1,0 mio.	DKK 0,3 mio.
3.	Illoqarfiit angisuut arfineq-marluk: Sisimiut, Aasiaat, Qaqortoq, Ilulissat, Tasiilaq, Paamiut aamma Maniitsoq	DKK 7,4 mio.	DKK 1,9 mio.
4.	Illoqarfiit qulit mikinerit: Qasigiannugit, Qeqertarsuaq, Pituffik, Qaanaaq, Ittoqqortoormiit, Narssaq, Nanortalik, Kangerlussuaq, Upernavik aamma Uummannaq	DKK 10,1 mio.	DKK 2,7 mio.
5.	Mittarfiit: Mittarfiit makku Tetralinnik pilersitsiviussapput: Uummannaq, Ilulissat, Aasiaat, Sisimiut, Maniitsoq, Narsarsuaq aamma Kulusuk	DKK 7,0 mio.	DKK 1,9 mio.
	Katillugit	DKK 34,4 mio.	DKK 8,1 mio.



Oqartussaasut sulisoqarfiillu ataasiakkaat akiliutissaasa agguataarneqarnissaat suli naatsorsorneqanngilaq.

Inatsisitigut tunngavissaq allakkallu tunngaviusumik uppernarsaatitallit
Kalaallit Nunaanni annaassiniarnissamut upalungaarsimaneq aamma ikualattoornissamut qaartoonissamullu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq.

Ingerlariaqqinnissaq

Kommuneqarfik Sermersooq ataatsimoorussamik radiukkuq attaveqaateqalernissamut peqataajumanersoq pillugu Namminersorlutik Oqartussat attaveqarfigineqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup pingaarnertut innersuussutigaa, Kommuneqarfik Sermersooq siuliini taaneqartumut tunngasumik suleqataassasoq, taamaattorli suliniummi aningaasanut tunngasortai qulakkiivinneqannginnerani inaarutaasumik aalajangiussisoqassanngitsaq. Allatut oqaatigalugu Aningaasaqarnermut Allatseqarfiup innersuussutigaa, peqataanissamut tunngatillugu tunngaviusumik aalajangiisoqassasoq.

Innuttaasunik peqataatitsineq/attaveqaqatigiinneq

Soqanngilaq.

Siusinnerusukkuq aalajangerneq

Sanarfinermut Avatangiisinullu Ataatsimiititaq aalajangernera marlunngorneq decembarip ulluisa 13iat 2016imeersoq:

Sanarfinermut Avatangiisinullu Ataatsimiititaq inassuteqaatit akuersissutigai.

Ilanngussat

1. Siunnersuut - Kalaallit Nunaanni upalungaarsimanerme attaveqaqatigiinneq pillugu nalunaarussiaq (atortut Namminersorlutik Oqartussaneerput - qallunaatuinnaq pigineqarlutik)



05M Kommunimut pilersaarummut tapiliussamut siunnersuut 4B4-1 og 4E1-1

Aalajangiiffissaq

J.nr.: 16.04/4B1-1 og 4E1-1

Sanarfinermut Avatangiisinullu Ingerlatsivik – pisortaq Mike J. Kristiansen / MJKR

Suliassamik eqikkaaneq

Kommunimut pilersaarummut tapiliussamut tunngaviuvoq, kommunip ingerlatsiviisa immikkut inissisimavissaannik piumasaqaateqarnikkut pisortat ingerlatsinerannut nunaminertanik ataatsimut isigalugu amigaateqarneq kiisalu qaartiterutissanik uninngatitsinermut ataavartumik toqqorsivinnik pisariaqartitsineq.

Kommunimut pilersaarummut tapiliussami pineqarput sumiiffiit immikkoortui Niaqornannguaniittut (Nuuk) immikkoortoq 4B4 inuussutissarsiornermi umiarsualiveqarnermilu siunertanut atugassanngortitaq aammalu immikkoortoq 4E4 teknikkut sanaartornikkut aammalu 4E1-ip teknikimi siunertanut qaartartuusivittut atugassanngortinneqarluni.

Kommunimi pilersaarummi aqqusineeqqat sukissarsarnermut attuumassuteqartut aammalu Nuup timaanut aqqut qulakkeerneqarput, kiisalu Isertitsivimmuut ungasissutsimut killiliussat, mittarfeqarfimmuut immikkut piumasaqaateqarfiusut aammattaaq qaartartuusiveqarfimmuut atatillugu isumannaallisaneermut killiliussat ataqpineqarlutik.

Sanarfinermut Avatangiisinullu Ataatsimiititaq suliaq marlunngornermi 10. januaari 2017-imi oqaluuseraa inassuteqaatillu akuersissutigineqarlutik.

Inassuteqaatit

Sanarfinermut Avatangiisinullu Ataatsimiititaq Aningaasaqarnermut Ataatsimiititamut inassuteqaatigaa:

- Aningaasaqarnermut Ataatsimiititamit *"Kommunimut pilersaarummut tapiliussassatut siunnersuut 4B1-1 aamma 4E1-1, qaartiterinermut atortuutaasivik"* akuersissutigineqassasoq
- siunnersuut akuersissutigineqartoq sapaatit akunnerini arfineq-pingasuni tamanut tusarniaassutigineqassasoq
- suliaq ilisimatitsissutitut Aningaasaqarnermut Ataatsimiititamut ingerlateqqinneqassasoq

Aalajangiineq

Aningaasaqarnermut Ataatsimiititaq januaarip 19-anni 2017-imi ataatsimiinnerani aalajangerneq: Aningaasaqarnermut Ataatsimiititaq inassuteqaatit akuersaarpai.

Suliassamik saqqummiussineq

Kommunimut pilersaarummut tapiliussamut tunngaviuvoq, kommunip ingerlatsiviisa immikkut inissisimavissaannik piumasaqaateqarnikkut pisortat ingerlatsinerannut nunaminertanik ataatsimut isigalugu amigaateqarneq kiisalu qaartiterutissanik uninngatitsinermut ataavartumik toqqorsivinnik pisariaqartitsineq.

Kommunimut pilersaarummut tapiliussamut siunnersuummi immikkoortut 4B4 aamma 4E1 Kommunimi pilersaarummi inuussutissarsiornermut umiarsualiveqarnermut aammalu qaartartuusiveqarnermut atugassanngortinneqarput. Siunnersuut taamaattumik kommunimut pilersaarummut naapertuuppoq.



Kommunimi pilersaarummi aqqusineeqqat sukissarsarnermut attuumassuteqartut aammalu Nuup timaanut aqqut qulakkeerneqarput, kiisalu isertitsivimmut ungasissutsimut killiliussat, mittarfeqarfimmut immikkut piumasaqaateqarfiusut aammattaaq qaartartuusiveqarfimmut atatillugu isumannaallisaanermut killiliussat ataqqineqarlutik.

Aaqqiissutissatut siunnersuut – suliatigut naliliineq

Inuussutissarsiornikkut inissisimavissannik pisariaqartitsineq aammalu isertitsivimmut ungasissutsimut killiliussat, mittarfeqarfimmut immikkut piumasaqaateqarfiusut aammattaaq qaartartuusiveqarfimmut atatillugu isumannaallisaanermut killiliussat aallaavigalugit www.kommuneplan2024.gl-imi immikkoortut killeqarfiit pioreersut allanngortinneqarnissaat pisariaqarsimavoq. Sumiiffiit immikkoortuisa nutaat 4B4 aamma 4E1 killilernerisigut 4D8 atorunnaarsinneqarpoq, tassa nunaminertat pineqartut sumiiffiit immikkoortuinut 4B4-imut, 4D2-mut aamma 4D9-mut ilanngunneqarmata.

Aningaasatigut sulisoqarnikkullu naliliinerit

-

Inatsisitigut tunngavissaq allakkallu tunngaviusumik uppernarsaatitalit

Kommunimut pilersaarummut tapiliussassatut siunnersuut uku tunngavigalugit suliarineqarpoq:

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq (Pilersaarusionerq inatsit)
- Kommunimut pilersaarut digitaliusoq www.sermersooq2024.gl

Ingerlariaqqinnissaq

Aningaasaqarnermut Ataatsimiititamit siunnersuut akuersissutigineqareerpat, pilersaarummut tapiliussaqaq piffissami 1.2.2017 - 29.3.2017 tamanut tusarniaassutigineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut allatseqarfik oqaaseqaatissaqaqngilaq.

Innuttaasunik peqataatitsineq/attaveqaqatigiinneq

Innuttaasut pilersaarummut oqaaseqarsinnaatitaapput pilersaarummut siunnersuutip sap. ak. arfineq pingasuni tamanut tusarniaassutigineqarnerani.

Oqaaseqaatigineqartut allat

Siusinnerusukkat aalajangernerit:

Sanarfinermut Avatangiisinullu Ataatsimiititap aalajangernera marlunngornermi 10. januaari 2017-imeersoq:

Sanarfinermut Avatangiisinullu Ataatsimiititap inassuteqaatit akuersissutigai.

Ilanngussaq

1. Siunnersuut Kommunimut pilersaarummut tapiliussaqaq 4B4-1 aamma 4E1-1, Nuuk



05N Kommunimut pilersaarummut tapiliussamut siunnersuut, Nunaannaq O8

Silami takornariaqartitsineri suliniutinut akuersissuteqarfiit

Aalajangiiffissaq

J.nr.: 16.04/O8

Sanarfinermut Avatangiisinullu Ingerlatsivik – pisortaq Mike J. Kristiansen / MJKR

Suliassamik eqikkaaneq

Kommunimut pilersaarummut tapiliussami immikkoortoq O8, Nunaannaq aammalu Tasiilap eqqaa sermersuullu ilaa annertoq pineqarpoq. Immikkoortoq taanna pingaartumik sukisaarsarfittut susassaqaarfittut atorineqarsinnaavoq aammalu Silami takornariaqartitsineri suliniutinut akuersissuteqarfissatut immikkoortinneqarluni.

Kommunimut pilersaarummut tapiliussaq tunumi namminersorluni inuussutissarsiornerup ineriartortinneqarnissaanut kissaateqarnermut naapertuuppoq. Immikkoortoq annertoq qinnuteqarfissatut immikkoortinneqarneratigut sumiiffimmi sakkortuumik timersornerup ineriartortinneqarnera taassumalu inuussutissarsiutit malitaannik allanik soorlu namminersortut kiffartuussinerat takornariaqartitsinermilu ineriartortinneqarnissaq ikorfartussavaa.

Sanarfinermut Avatangiisinullu Ataatsimiititaq suliaq marlungornermi 10. januaari 2017-imi oqaluuseraa inassuteqaatillu akuersissutigineqarlutik.

Inassuteqaat

Sanarfinermut Avatangiisinullu Ataatsimiititaq Aningaasaqarnermut Ataatsimiititamut inassuteqaatigaa:

- Aningaasaqarnermut Ataatsimiititaq *'Kommunimut pilersaarummut tapiliussaq Nuna Ammaannaartoq O8, Silami takornariaqarnermi suliaqarnermut akuersissutit'* akuersissutigissagai
- siunnersuut akuersissutigineqartoq sapaatit akunnerini arfineq-pingasuni tamanut tusarniaassutigineqassasoq.
- suliaq ilisimatitsissutit Kommunalbestyrelsimut ingerlateqqinneqassasoq

Aalajangiineq

Aningaasaqarnermut Ataatsimiititaq januaarip 19-anni 2017-imi ataatsimiinnerani aalajangerneq: Aningaasaqarnermut Ataatsimiititaq inassuteqaatit akuersaarpai.

Suliassamik saqqummiussineq

Tasiilap eqqaani nunami annertuumik heliskiing atorlugu sisorarnermut akuersissutinut qinnuteqaat tiguneqarsimanera aallaavigalugu Kommunimut pilersaarummut tapiliussaq suliarineqarpoq.

Siunnersuummi immikkoortoq O8 nunaanarmiittoq pineqarpoq. Immikkoortoq Tasiilap eqqaa sermersuullu ilaa annertoq, sineriammiit 180 km isorartutigisoq pineqarpoq. Sumiiffik taanna pingaartumik sukisaarsarfittut susassaqaarfittut atorineqarsinnaavoq aammalu Silami takornariaqartitsineri suliniutinut akuersissuteqarfissatut immikkoortinneqarluni.

Siunnersuummi assigiinngitsunik silami takornariaqartitsineri sammisanut assigiinngitsunut tunisoqarsinnaanera periarfissiisoqarpoq, soorlu qulimiguulimmiit sisorarneq ilanngullugu, skitouring, ujakkaarneq, aputisiutinik pisuuteqarluni pisuttuarneq, qimusserneq, qamuteralanneq,



pisunneq, majuarneq qaqqasiornerlu, sikumut sermersuarmullu majuarneq, sikumi sermersuarmilu pisunneq il.il.

Sumiiffimmi sammisat pioreersut, soorlu sunngiffimmi angallammik angalaneq, qimusserneq, qamuteralanneq il.il. pilersaarutip killilersorneqannginniissaat pingaartinneqarpoq.

Aaqqiissutissatut siunnersuut – suliatigut naliliineq

Kommunimut pilersaarummut tapiliussaq tunumi namminersorluni inuussutissarsiornerup ineriartortinneqarnissaanut kissaateqarnermut naapertuuppoq. Immikkoortoq annertoq qinnuteqarfissatut immikkoortinneqarneratigut sumiiffimmi sakkortuumik timersornerup ineriartortinneqarnera taassumalu inuussutissarsiutit malitaannik allanik soorlu namminersortut kiffartuussinerat takornariaqartitsinermilu ineriartortinneqarnissaq ikorfartussavaa.

Suliniuummut akuersissummik tunisineq Naalakkersuiniit tunniunneqassaaq.

Aningaasatigut sulisoqarnikkullu naliliinerit

-

Inatsisitigut tunngavissaq allakkallu tunngaviusumik uppernarsaatitalit

Kommunimut pilersaarummut tapiliussassatut siunnersuut uku tunngavigalugit suliarineqarpoq:

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq (Pilersaarusiornermut inatsit)
- Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisat nr. 19, 3. december 2012-meersoq
- Kommunimut pilersaarut digitaliusoq www.sermersooq2024.gl

Ingerlariaqqinnissaq

Aningaasaqarnermut Ataatsimiititamit siunnersuut akuersissutigineqareerpat, pilersaarummut tapiliussaq piffissami 1.2.2017 - 29.3.2017 tamanut tusarniaassutigineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut allatseqarfik oqaaseqaatissaqanngilaq

Innuttaasunik peqataatitsineq/attaveqaqatigiinneq

Innuttaasut pilersaarummut oqaaseqarsinnaatitaapput pilersaarummut siunnersuutip sap. ak. arfineq pingasuni tamanut tusarniaassutigineqarnerani.

Oqaaseqaatigineqartut allat

Siusinnerusukkat aalajangernerit:

Sanarfinermut Avatangiisinullu Ataatsimiititap aalajangernera marlungornermi 10. januaari 2017-imeersoq:

Sanarfinermut Avatangiisinullu Ataatsimiititap inassuteqaatit akuersissutigai.

Ilanngussat

1. Kommunimut pilersaarummut tapiliussassatut siunnersuut O8



050 VISKA, horses & rooms

Nuummi hiistertarfik - pilersaarusiamik qinnuteqarneq

Aalajangiiffigisassaq

J.nr.:1804

Sanarfinermut Avatangiisinullu Ingerlatsivik– Pisortaq Mike Jakob Kristiansen/ MJKR

Suliassamik eqikkaaneq

Sanarfinermut Avatangiisinut Ingerlatsivik Qinngutsinni immikkoortut ilaanni 4D4-mi aamma 4D5-imi nutaamik hiistertarfiliornissamut atatillugu nunaminertamik inniminniinissamut pilersaarusiamik qinnuteqaammik nassinneqarpoq.

Pilersaarusiornermut inatsit nutaaq naapertorlugu, soqutiginnittut ukiut marluk tikillugit nunaminertamik inniminniinissamut periarfissiisoq, pilersaarusiaq nassinneqarpoq, pilersaarusiaq politikkikkut akuerisaq tunngavigineqarluni. Soqutiginnittut ukiuni marlunni Sanarfinermut Avatangiisinullu Ingerlatsivik qanimut suleqatigalugu kommunimut pilersaarusiamik suliaqassapput. Tamatuma kingorna sanaartorfigissaanermut, sanaartornermut sanaartugassanullu allanut tunngasut soqutigisaqatigiinnit aningaasaliivigineqassapput. Pilersaarut kommunimut pilersaarummi pingaarnertut aalajangersakkanut, sukisaarsarfittut siunertaqartunut, kiisalu illoqarfiit pingaarnersaat pillugu periaasissami takornariaqarnermut inuussutissarsiornerup aallunneqarnissaanut tunngasunut naapertuuppoq.

Pilersaarutininik piginnittut pilersaarut Sanarfinermut Avatangiisinullu Ataatsimiititamut 5. januaarimi saqqummiussipput suliarlu Sanarfinermut Avatangiisinullu Ataatsimiititap ataatsimiinnerani marlungorneq 10. januaari 2017-imi oqaluuserineqarluni inassuteqaatillu akuersissutigineqarput.

Inassuteqaat

Sanarfinermut Avatangiisinullu Ataatsimiititap Aningaasaqarnermut Ataatsimiititamut inassuteqaatigaa:

- pilersaarut suliamullu tunngatillugu ingerlariaqqinnissaq akuerineqassasut
- pilersaarut akuersissutigineqartoq suliallu ingerlariaasia akuersissutigineqartoq Kommunalbestyrelsimut inaarutaasumik akuersissutigineqarnissaanut ingerlateqqinneqassasoq.

Aalajangiineq

Aningaasaqarnermut Ataatsimiititap januaarip 19-anni 2017-imi ataatsimiinnerani aalajangerneq:
Aningaasaqarnermut Ataatsimiititap inassuteqaatit akuersaarpai.

Suliassamik saqqummiussineq

Sanarfinermut Avatangiisinut Ingerlatsivik Qinngutsinni narsaamanermi inissimasumut hiistertarfimmu, "VISKA horses and rooms", nunaminertamik inniminniinissamut pilersaarusiamik qinnuteqaammik nassinneqarpoq.

Illuaqqat sisamat initalit, café, garage, nersutaasivik aamma hiistertarfik pilersaarutaapput. Immikkoortumut Qarsumi nerngallaap eqqaaniit aqqusineqassaaq, sanaartugarlu tamat innaallagissamut imermullu aqputaataannut aamma kuuffissuarnut attavilerneqassaaq. Pilersaarummi aamma aasaanerani ivigartortitsisarnissamut, aasaanerani ungalusat nuunneqarsinnaasunut ukiorlu tamaat atorineqarsinnaasunut nunaminertat ilaatinneqarput. Ilanngussaq 1 takuuk.



Takornariaqarnermut suliniuteqarnissaq, hiistertarfimmik immikkut ittumik ingerlatsiffiusumik, sunngiffimmi hiistertarfimmik, unnuinertalimmik hiistertarfimmik aamma hiistertarfiup nersutaasiviani allanik sammisassaqtartsiniutinik ingerlatsisarnissaq isummersuutaavoq. Periarfissarpassuupput.

Pilersaarusiortut hiistit pingasut aallarniutiginnissaat pilersaarutigaat, siulliillu sungiusseriarpata amerlanernik tikisitsissallutik. Nersutaasivik pilersaarutaasoq hiistinik 28-nik inissaqarsinnaavoq. Pilersaarusiortut hiistertitsisarnissat assigiinngiaartut ingerlanniarlugit takorloorpaat. Qallussuaq saneqqullugu aqquteqarsinnaavoq, tamanna Nukissiorfiit suleqatigalugu ataqatigiissarneqassaaq. Aqqutip aappaa parnaarussiviup eqqaatiguussaaq Kuannguut tungaannut ingerlaqqittoqarsinnaalluni. Aqqutit pingajussaa tassaassaaq Ukkusissat kujaqqullugu Kangerluarsunnguup tungaanoortoq hiistertarfiussaaq, tassa Siorarsiorfimmuut attaveqaat pilersinneqariapat.

Sumiiffiit ilaanut inniminniinermik qinnuteqartoqarpoq, Pilersaarusiortumut Inatsit nutaaq naapertorlugu, Inatsisartut inatsisaat nr. 34, 9. december 2015-imeersoq. Ilanngussaq 2 takuuk.

Pilersaarusiortumut Inatsisip allanngortinnerata nutaap ingerlanera imatut nassuiarneqarsinnaavoq:

- Aningaasaliisussap/Suliffeqarfiup pilersaarutini Kommunalbestyrelsimut nassutissavaa, piumasaqaataavorlu aningaasaliisussap nammineerluni pilersaarummut tunngavilersuinissaa aammalu avatangiisinut tunngatillugu naliliinerit, assersuutigalugu VVM-it nammineq isumagalugit.
- Kommunalbestyrelsip pilersaarut akuerissavaa, minnerpaamillu sapaatip-akunnerini arfinilinni tusarniaassutigissallugu, tassunga ilanngunneqassapput Kommunalbestyrelsip qinnuteqarnissamut piumasaqaatai, taakkulu arlaanulluunniit attuumassuteqassanatik.
- Tusarniaanermi innuttaasut tusarniaassummut akissuteqarsinnaapput, akerliliissuteqarsinnaapput imaluunniit pilersaarutaasinnaasunik tunniussaqaarsinnaallutik.
- Qinnuteqaatit tunuliaqutigalugit Kommunalbestyrelse arlaanulluunniit attuumassuteqanngitsumik pilersaarummik pitsaanerpaamik toqqaassaaq.
- Tamatuma kingorna aningaasaliisussaq ukiuni marlunni sivisussuseqarsinnaasumik nunaminertamik inniminniinissaminik periarfissaqalissaaq kommunimullu pilersaarummut tapiliussap suliarineqarnera aallartissaaq.
- Pilersaarutip annertussusaa tunngavigalugu avatangiisinut naliliisoqassappat, assersuutigalugu VVM-imik naliliisoqartariaqarpat, pilersaarummik piginnittup nammineerluni suliarissavaa aningaasaliiffialugulu.

Pilersaarusiortumut inatsisip allanngornerata kingorna, nutaaq naapertorlugu, Pilersaarutit kommunimut pilersaarummut imaluunniit politikikkut takorluukkanut naapertuutinnigippata Kommunalbestyrelsimut qaqugukkulluunniit unitsinneqarsinnaasut eqqaamaneqassaaq. Kalaallit Nunaanni inuussutissarsiornerup Naalakkersuisunit Kommuniniillu siuarsarneqarusunnera Pilersaarusiortumut Inatsimmik allannginnermi siunertarineqarpoq, taamaaliornikkut aningaasaliisussanut aningaasaliinissaq ajornannginnerulissamat orniginarnerullunilu.

Aaqqiissutissatut siunnersuut – suliatigut naliliineq

Pilersaarusiaq immikkoortut ilaanni 4D4-mi aamma 4D5-imi inissisimavoq.

Immikkoortut ilaat taakku marluk assigiissutigaaq tamarmik sanaartorfioqusaanngitsutut annertuunillu sukisaarsaartitsinerumut atortulersuutinut atortussatut immikkoortinneqarnikummata. Illut 4D5-imut inissinneqassapput, hiistillu aasami ivigartortarfii immikkoortup ilaa 4D4-miissapput. Immikkoortup ilaanut 4D5-imi kommunimut pilersaarummi allassimavoq, immikkoortoq sanaartorfiusanngitsoq, pilersaarut akuerineqassappat tamanna atorunnaarsinneqassaaq.



Immikkoortup ilaa 4D4 iliveqarfimmut atortussaannullu atorineqartussanngorlugu aalajangersarneqarnikuvoq. Tamanna piviusunngortippat/piviusunngortinneqassappalluunniit pilersinneqarsinnaasutut nalilerneqarpoq, tassa immikkoortoq ima angitigaaq allaat aasami ivigartortarfimmut inissaqarlunilu siunissami iliveqarfeqalernissaanut, tassungalu atortussaanut, atorineqarsinnaassalluni.

Sanarfinermut Avatangiisinullu Ingerlatsivimmit pilersaarut Illoqarfiit pingaarnersaat pillugu periaasissami Nuuk takornarissanut illoqarfiit pingaarnersaanissaanut qitiutitsinissamut siunertaqarnermut naleqquttutut nalilerneqarpoq. Pilersaarut VISKA takornarissanik nutaanik ornigutsitsisinnaassaaq, immaqalu aamma takornarissanik misigisassarsiortunik ornigutsitsisinnaassalluni. Tamatuma saniatigut hiistertarfimmik pilersitsinissamut isuma pissanganartuuvoq, sunngiffimmi sammisassaaq nutaajussaaq, Qinngutsinni najugaqarfimmik Nuummullu sinneranut nukittorsaataassalluni.

Illuliortaaseq

Sanaartukkami illuaqqat qaqqap sinaani pitsaasumik inissisimassapput, nersutaasiviillu annerit qaqqami, qaqqajunnat marluk qaartillugit, sanaartorneqassapput. Illut qernertumik usserummik qallerneqassapput, aneerasaartarfiit suliarineqarsimanngitsunik qisuttaqassapput, sanaartornerlu nunaminertamut maniitsumut kusanartumik tulluussarneqassaaq. Sanaartornerup annertussusaa pitsaasuvoq immikkoortumullu takujuminaallisitsisuunani akerlianik takujuminarsaataassaaq.

Aningaasaqarnikkut sulisoqarnikkullu naliliinerit

Soqutiginnittumit pilersaarummut aningaasartuutit tamarmik akilerneqartussaammata Kommuneqarfik Sermersuumut aningaasartuutaassanngilaq.

Kommunalbestyrelse aalajangiissappat suliap ingerlanneqarnera ingerlatissallugu, soqutigisaqaqatigiit tamanut tusarniaassuteqarnissaaq sioqqullugu piginneqatigiiffiup aningaasaateqarfini aammalu/imaluunniit aningaasaliisuni aqqutigalugit nalunaarutigissavaa, pilersaarut aningaasatigut akilersinnaasumik ingerlassinnaallugu oqaaseqaasiussaaq. Tamatuma saniatigut Sanarfinermut Avatangiisinullu Ingerlatsivik arlaatigut uppernarsaatinik takussutissanik imaluunniit attuumassuteqartumit naalakkersuisoqarfimmit imaluunniit uumasut nakorsaani, hestit aalajangersimasumik amerlassusillit eqqunneqarnissaannut siumoortumik akuersissummik piunasaqassaaq.

Inatsisitigut tunngavissaaq allakkallu tunngaviusumik uppernarsaatitalit

Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq aamma

Inatsisartut inatsisaat nr. 34 9. decembari 2015-imeersoq

Ingerlariaqqinnissaaq

"VISKAR horses and rooms"-ip ingerlariaqqinnissaa imaassaaq:

1. Suliniut politikkikkut akuerineqarpat, soqutiginnittup pilersaarutit tusarniaassutigineqannginnerani uku pissarsiareqqaassavai:
 - Pilersaarutit piviusunngortinneqarnissaaneranut naliliinermik uppernarsaat aningaasaateqarfimmeersoq kiisalu
 - hiistit eqqunneqarnissaannut siumoortumik akuersissut / allakkiaq. Sanarfinermut Avatangiisinullu Ingerlatsivimmit pilersaarutit suliarinissaanut najoqqutassamiittut tamaasa minnerpaamik naapertuuttumik naammassisinnaaniassammagit, najoqqutassamik suliaqarpoq pilersaarut ilanngullugu nassiunneqartussamik. Najoqqutassaaq ilanngussaaq 3-mi takuuk.



2. Tamatuma kingorna akerliliissutaasimasinnaasut suliarineqassapput, inaarutaasumillu pilersaarut Sanarfinermut Avatangiisinullu Ataatsimiititamut, Aningaasaqarnermut Ataatsimiititamut kiisalu Kommunalbestyrelsimut inaarutaasumik akuerineqarnissaanut ingerlateqqinneqassaaq.
3. Kingornalu soqutiginnittumut nunaminertamut akuersissut ukiuni marlunni atuuttussaq tunniunneqassaaq, soqutiginnitorlu nammineq immikkoortumut sukumiisumik aalajangersagartalmik kommunimut pilersaarummut tapiliussassatut siunnersuusiussaaq. NB. Kommunimut pilersaarummut tapiliussassamut killiliussat suli immikkoortoq D-unissaa pingaaruteqarpoq, taamaalilluni sanaartorfiunnginnissaa kiisalu sukisaarsaartitsinermut suliniutinut atortussaaitaanera attatiinneqassammat.
4. Kommunimut pilersaarummut tapiliussaq naammassippat soqutiginnittoq immikkoortumut atuisinnaatitaallissaaq sanaartornerlu aallartissinnaangorluni.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

Pilersaarut akuerineqarpat tusarniaassutigineqarlunilu, Sanarfinermut Avatangiisinullu Ingerlatsivik tamanut paasititsiniaalluni ataatsimiisitsissaaq, tasanilu pilersaarusiortut innuttaasunut soqutiginnittunut pilersaarummik saqqummiussinissaminnut periarfissinneqassapput.

Ingerlatsivimmit allanit oqaaseqaatit

Soqanngilaq.

Siusinnerusukkut aalajangernerit:

Sanarfinermut Avatangiisinullu Ataatsimiititap aalajangernerera marlunngornermi 10. januaari 2017-imeersoq:

Sanarfinermut Avatangiisinullu Ataatsimiititap inassuteqaatit akuersissutigai.

Ilanngussat

1. Ilanngussat ilanngullugit pilersaarummut qinnuteqaat
2. Inatsisartut inatsisaat nr. 34 9. decembari 2015-imeersoq
3. Misissugassatut allattorsimaffik Sanarfinermut Avatangiisinullu Ingerlatsivimmit suliarineqartoq.



6. Immikkoortut matoqqasut

06A Namminersorlutik Oqartussat 2018-imut Aningaasanut Inatsisissatut siunnersuutissaannut sanaartugassanut kissaatinik piniarneq

Aalajangiiffigisassaq

J.nr.: 17.12

Meeqqanut, Ilaqtariinnut Atuarfeqarnermullu Ingerlatsivik – Pisortaq Helene Broberg Berthelsen /
HEBE

Isumaginninnermut, Suliffeqarnermut Inuusutissarsiornermullu Ingerlatsivik – Pisortaq Grethe
Nielsen / GRNI

Tamanut Kiffartuussivik – Pisortaq Marie Fleischer / MFLE

Sanarfinermut Avatangiisinullu Ingerlatsivik – Pisortaq Mike J. Kristiansen / MJKR

Aningaasaqarnermut Allatseqarfik – Pisortaq Lars Møller-Sørensen / LMS



06B Sumiiffinnik Aqquserngillu Taaguutaannik Siunnersuisoqatigiit

Aalajangiiffigisassaq

J.nr.: 23.02.03

Sanarfinermut Avatangiisinullu Ingerlatsivik– Pisortaq Mike Jakob Kristiansen/ MJKR



06C Illuutininik tunisineq, Kangerluarsunnguaq

Aalajangiiffigisassaq

J. nr. 33.03

Sanarfinermut Avatangiisinullu Ingerlatsivik – pisortaq Mike Jakob Kristiansen / MJKR



Kommuneqarfik Sermersooq
Aningaasaqarnermut Ataatsimiititaq

Ulloq: 19. januar 2017
Qup. | 70

06D Kommuneqarfik Sermersuumi pisortaanermik atorfinitsitsinissaq

Aalajangiiffigisassaq

J.nr.: 16-2-07-2263

Aningaasaqarnermut Sulisoqarnermullu Kiffartuussivik – pisortaq Lars Møller-Sørensen/ LMS



7. Taasariaqartut allat

Malene Lynge (IA)

Ataatsimiititami ilaasortat ilaat ingerlatsivimmilu sulisut ilaat 2016-ip naalernerani Sarfalimmiit pisissutissanik tunissutisisimapput. Malene Lyngep erseqqissaatigaa, pisiniartarnermut inatsit naapertorlugu qinikkanut ingerlatsivimmilu sulisunut pisissutissanik tunissuteqartarneq inertequtaasoq. Tamanna pillugu Borgmesterip Allatseqarfiani inatsisilerituumut saaffiginnissuteqartoqarpoq.



8. Imaqarniliap akuerineqarnera

Imaqarniliaq akuersissutigineqarpoq ulloq 19. decembari nal. I 17.00.